

鐵嶺縣志卷十

人物志

錯節盤根乃徵利器深山大澤必產龍蛇艱難困阨磨礪豪傑之機毓秀鍾靈生產英賢之地白山黑水之鄉寧同闕里鐵嶺銀岡之秀不乏聞人或名賢流寓雪泥過去留痕或鄉宦懋勛志乘因之生色其他高人韻士之儀型足以千古嫠婦村夫之節孝特具一長或經旌表或受褒揚其窮鄉僻壤湮沒不彰者無論已見聞失實慨文獻之無徵採輯難周恐魯魚之有誤僅就耳目所及彙爲一卷析爲若干目分類列之志人物

鐵嶺縣志卷十

人物

名宦

秦漢之世本境始入版圖秦設遼東郡漢置四郡於遼東本境屬樂浪郡守土備邊雖有官吏而其人亦不可考僅自金以後有書可稽必擇其有建設或有政績者方足當名宦之稱茲就歷代之官斯土者節錄如左

按以下文中如咸平咸州雙州銀州興州懿州銅山中固信州皆在本境詳見地理卷建置沿革門

金

鐵嶺縣志

卷十 人物 名宦

一一

鐵嶺縣立第一工科印

烏哲庫

原作吾札忽

安帝六代孫婆盧火之子善騎射大定初除咸平尹後從征有功改爲呼爾哈節度使卒烏哲庫性聰敏有力智善用軍常出敵之不意以寡敵衆所往輒克號爲鶻軍云

王伯龍

瀋州雙城人遼末聚黨爲盜天輔二年率衆二萬及其輜重來歸授世襲明安知銀州兼知雙州後累立戰功五年授節度使充徐宿邳三路軍馬都統敗高拖山之衆十五萬餘於清河改河中尹徙益都尹封廣平郡王卒年六十五正隆間贈宣國公

布薩歡塔

原作僕散渾坦

扶餘路嘉門人勇健善射遷利涉軍節度使改咸平尹世宗朝轉廣
甯尹與圖克坦克寧敗幹罕於長樂改臨潢尹賊平改海蘭路兵馬
都總管利涉軍節度使以金紫光祿大夫致仕歡塔沉厚有識明於
聽斷所至有政聲

高松

澄州析木人弱冠從軍多力善戰累官咸平府總管判官世宗時充
管押東京路渤海萬戶兵部尙書克實反前同知延安尹李老僧欲
得松共事以言挑之曰君有功舊人至今不得大官何也松曰我一
縣令每念聖恩愧無以報敢他望乎老僧遂不敢言克實事敗松從
幹罕以功遷咸平少尹官至崇義軍節度使

鐵嶺縣志

卷十 人物 名宦

三一

鐵嶺縣立第一工科印

諾延溫都烏達

阿卜薩水人通書史工詩世宗朝授咸平及會甯尹爲北邊行軍都
統治尙寬簡多備禦謹斥堠邊境以安改爲北京留守以廉察舉所
在有能名無私過入拜參知政事

伊喇子敬

字同文遼五院人皇統間興修遼史除同知遼州事舊本廳自有佔
地歲入數百貫子敬曰已有公田何更取民田竟不取累遷簽書樞
密院事同修國史及爲興州尹女自懿州來謁遇盜剽行李且盡旣
而還之曰我輩初不知爲府尹家人尹有德於民尙忍侵犯耶後歷
咸平廣甯尹致仕卒時家無餘資

承暉

字維明淹貫經史遷東京咸平路提刑副使同知上京留守豪猾屏息遷臨海軍節度使歷利涉遼海軍遷北京路提刑歷知咸平府臨潢府爲北京留守卒爲名臣死中都難贈尙書令廣平郡王諡忠肅張行信

字信甫純正眞率不事修飾擢進士官銅山令明昌元年以廉擢監察御史兩登相位言無隱避及卒皆曰正人亡矣

梁持勝附費摩薩布 韓公恕

勝字經甫稽山人保大軍節度使襄之子多力善射太和六年進士復中宏詞累官太常博士遷咸平路宣撫司經歷初宣撫使布希萬

鐵嶺縣志

卷十 人物 名宦

四

鐵嶺縣立第一工科印

努有異志欲棄咸平持勝沮之萬努怒杖之走上京告行省太平時太平已與萬努通謀焚毀上京奪元帥承充軍持勝與提控咸平治中費摩薩布萬戶韓公恕約殺太平復推承充行省事告發萬努事泄被害贈勝忠順大夫韓州刺史薩布鎮國上將軍咸德軍刺史恕明威將軍信州刺史

元

耶律留哥

契丹人初仕金爲北邊千戶太祖起兵朔方金人疑遼遺民有他志令遼民一戶以二女眞戶妨之留哥不自安遁至隆安韓州與耶的約合兵十餘萬稱王改元元統盡有遼東諸郡都咸平後與子薛闍

奉金幣銀牌見帝帝大悅賜金虎符仍命爲遼王居廣寧卒年五十
六妻姚里氏入奏會帝征西域承制以氏佩虎符領其衆七年
明

李承勛

湖北嘉魚人正德中以右副都御史巡撫遼東時邊備久弛開原尤
甚士馬纔十二牆堡墩臺傾圮殆盡將士依城塹自守承勛疏請修
築會世宗立發帑銀四十餘萬承勛命步將四人各一軍守要害身
負菴鍤先士卒凡爲城塹各九萬一千四百餘丈墩堡百八十有二
招逋逃三千二百人開屯田千五百頃又城中固在本境北鐵嶺蒲河撫順
邊防甚固又數陳軍民利病咸報可清

鐵嶺縣志

卷十 人物 名宦

五

鐵嶺縣立第一工科印

胡藥嬰

直隸贊皇人康熙三年初設縣治公爲首任知縣時全境民戶甚少
惟駐防旗籍壯丁千餘家公廣事招徠代籌生計始有繁盛氣象鐵
嶺民籍實創於公

賈宏文

直隸延慶人康熙十四年任縣事提倡文教士始向學又聘董國祥
創修縣志即舊縣志也

許志進

江蘇淮安人康熙三十五年蒞任先是郝中山先生浴謫戍鐵嶺講
學於所居之銀岡書院僅設先師及四配十哲兩廡諸賢總木主於

堂未及議建學宮至是始建於東南隅規模備具文教日昌

焦獻猷附宋一驤

獻猷康熙四十九年任縣事先是郝公浴以遺宅留作銀岡書院後爲旗兵佔據公蒞任因邑庠生徐元弼之請據理力爭極力清釐請於極峯時郝公子林爲奉天府尹輾轉數四宋令一驤繼之始克就緒將遺宅退出仍作書院故邑之士人欽祀郝並公之子林而於兩賢令尹之功尤不敢忘云

何師曾

通州人與獻猷同時任儒學訓導重修書院

三寶

鐵嶺縣志

卷十 人物 名宦

六

鐵嶺縣立第一工科印

京旗人乾隆四十六年任縣事承旨重修縣城詳見地理卷城池門

永福

奉天旗人乾隆四十六年任路記防禦與知縣三寶重修城工

札郎阿

京旗人嘉慶間任縣事時學憲茹奏准頒行庫書於各學署諭州縣建閣以崇之適重修文廟公乃提倡與邑紳等鳩工建尊經閣於文廟東院並建奎星樓於城東南角

崇光

字耀軒京旗人道光間任縣事折獄如神民無冤枉刻聯於頭門文云有一刻工夫且勤爾業無十分委屈莫入吾門至民國改造縣署

始撤去其聯

李應紫

字秀峰甘肅皋蘭縣人進士光緒年間前後兩任縣事慈惠教民案無冤獄

劉玉林

字崑圃直隸武清舉人同治初連任儒學多年設帳授學門多桃李提倡書院主齋課實行月試捐廉獎掖光緒間重遊泮水

鹿名世

字景充定興舉人任儒學訓導主書院齋課有捐存書籍於書院

楊昌瀚

鐵嶺縣志

卷十 人物 名宦

七

鐵嶺縣立第一工科印

字海琴四川拔貢光緒二十五年任縣事明年六月拳匪肇亂延及商民公獨斥爲邪妄匪勢張甚力不如心因去職邑人至今猶惜之
民國

陳藝

字漱六江蘇宜興縣人民國元年任縣事國體初更萑符甫靖又值百政維新諸端待舉曰警曰學曰自治所有一切建設經營擘劃多由公一人創其始歷六年始去邑人借寇不得至今思之因建德政碑於龍首山之俱樂部中碑見古蹟卷

李濟東

字泮溪鳳城縣人民國十五年蒞縣事在職二年廉潔自持赴鄉巡

視自備川資秋毫無擾問民疾苦不憚勤勞經營擘劃意欲有所設
施未幾去職有志未逮邑人惜之

鐵嶺縣志

卷十 人物 名宦

八

鐵嶺縣立第一工科印

寓賢

明代設衛清初改衛爲縣究以地接荒服猶以邊徼視之率爲謫官遣戍之所此外或名賢避地或就食他方久而漸成土著不獨遼東帽一人一事已也詳稽冊籍分錄如下

陳循

字德遵泰和人永樂十三年進士第一授修撰洪熙初進侍講宣德初直南宮正德初進經筵尋進翰林院學士九年入典機務土木之變循居中所言多採納景泰二年進少保兼文淵閣大學士尋加太子太傅華蓋殿大學士仍兼文淵閣英宗復辟于謙王文誅死循謫戍鐵嶺時年八十餘適重修邑西北隅圓通寺有循所撰碑記循在

鐵嶺縣志

卷十 人物 寓賢

一

鐵嶺縣立第一工科印

宣德時御史張楷獻詩忤旨陳祚上疏觸帝怒皆賴婉辭爲解曰彼亦忠愛也得釋景帝朝上勤政要典江南北大雪麥苗死請市麥種給貧民因事進言多足採至是貶皆石亨輩爲之非帝意也及亨敗釋爲民一年卒于謙事雪乃復官賜祭

沈敬

官主事英宗復位石亨等誣于謙王文以謀立外藩文力辯詞氣激壯命敬按問無迹廷臣遂坐謙文謀反未定斬於市敬坐知謀故縱減死戍鐵嶺卒

閻寬

字德厚樂安人正統進士授監察御史彈劾無少避爲錦衣指揮馬

順所忌以事中傷之遣戍鐵嶺卒

强 珍

滄州人以進士巡按遼東精敏果毅邊境乂安權閹汪直黷貨妄殺珍劾之直誣珍檻車詔獄御史許進疏珍冤卒除籍戍鐵嶺直敗復官累遷南京通政

王時中

山東黃縣人正德間忤逆瑾謫戍懿路後復官累遷兵部尙書

季開生

江南泰興人順治初以直言謫寓鐵嶺數年卒順治庚子世祖思其言復原官蔭一子入監讀書

鐵嶺縣志

卷十 人物 寓賢

一一

鐵嶺縣立第一工科印

郝 浴

字雪海定州人順治己丑進士任四川巡按有破賊功劾吳藩謫鐵嶺顏其室曰致知格物之堂讀書講學開啓後進注周易解孟子解士人宗之稱復陽先生居二十年及三桂果叛聖主嘉其先見召還累遷廣西巡撫召還時留所居爲銀岡書院至今崇祀於堂以仲子林配焉

附錄郝雪海中丞事略

郝公諱浴字冰滌號雪海直隸定州人生平負氣節棘棘不阿順治六年進士授刑部主事八年遷御史奉命巡按四川時流賊張獻忠餘黨孫可望李定國劉文秀等降附明桂王朱由榔踞川南寇掠九

年平西王吳三桂與都統李國翰分兵復成都嘉定叙州重慶駐師
綿州公在保寧監臨鄉試可望文秀等合衆數萬薄城公遣使告急
綿州逾月三桂乃發援兵危城得全公因陳善後策略言大兵勦賊
借陝西運餉道遠餉繁宜移陝西駐防屯田成都並招流民開墾借
給土司牛種屯耕一年可抵輸運三年之利又言賊寇善騰山越嶺
蜀中土官土兵習尙相近宜簡精銳爲前矛以滿洲驍騎繼其後疾
雷迅霆之下寇必鳥獸散上嘉其奏可採下部議部臣以戰守機宜
應由三桂酌籌寢其議公又言土賊投誠給札授官恣行劫掠爲民
害請嗣後願歸伍者聽其願爲民者即令有司造冊編丁以資生聚
又請免牛租除雜派惟就熟地開徵俾民賦有定額疏皆下部議行

又劾奏永甯總兵柏永福臨陣畏縮廣元副將胡一鵬驕悍不法狀
並奪職逮訊方保甯之奏捷也詔頒賞將士三桂因以冠服與公公
不受疏言翦平賊寇平西王責耳臣司風憲不預軍事而以臣預賞
非黨臣則忌臣耳因疏劾三桂擁兵觀望狀上命以賞物賞有功將
士大學士成公克鞏呂公宮等疏奏公固守保甯出入營伍奮不顧
身轉敗爲功宜擢用三桂因摘公保甯捷疏中有親冒矢石語劾公
欺罔冒功吏議革職逮訊論死命免死流徙盛京之尙陽堡當是時
三桂開邸滇黔海內財賦輦輸軍前者歲無慮數百計守令得自辟
椽署珍貝犀象明珠南金之寶悉歸私室失職之士及無賴多歸之
疆吏攫其鋒者禍立至公以一御史首發其奸直聲徧天下康熙十

年駕幸奉天公迎謁道左上親垂問焉十二年三桂反明年尙書王公熙劉公沛先後交章薦公爲部議所格十四年魏公象書兩疏薦公學識兼優不宜終棄且曰臣自愧不如願以職讓遂得旨召用復原官時陝西提督王輔臣叛應三桂公疏言大兵進勦平涼宜於西安潼關用重兵屯駐以待策應調鄖陽兵攻興安調河南兵入武勝關直取漢中則逆賊指日可擒疏下統兵大臣相機進行又言民間納糧多額外徵求致正額反缺至招買軍需名爲市易實在攤派里民比及發價官役互相侵扣又於解餉時多索收餉之費任意遲延請飭督撫嚴查又言京通各倉積貯已多請留山東河南額徵耗米折銀濟軍需疏並如所請十六年巡視兩淮鹽課明年兩遷至左副

都御史十九年部更新例凡死罪減等及軍流人犯俱發黑龍江公以天旱民饑恐遣死道斃者多疏陳新例未便下所司議惟臧吏照新例行餘仍舊又疏言出身非正途者雖經保薦不得選科道又言部院長官歲終宜舉劾屬吏賢否各一人以示懲勸均從之尋命巡撫廣西賜御廐良馬一疏言粵西錢糧改折乃一時權宜計今軍餉旣停請仍舊又諸御書清慎勤字額頒發各疆吏俾官民咸得瞻仰得旨允行又言粵西外控土司內制猺獞撫標兵不宜裁減部議許留其半又爲故死事撫臣馬公雄鎮傅公宏烈請祠爲故知府劉浩知縣周岱生請卹又請復賑濟貧民銀米均從之二十二年卒於位年六十一士民奔走巷哭凡三日喪歸爇香送者數千里不絕語及

公皆零涕云初傅公宏烈以軍需移取庫金七萬有奇米七千餘石公蒞任擬以庫項扣抵及卒護印者劾公侵欺詔遣部郎查審坐侵銀九萬有奇吏議奪職追繳特旨以公清廉免追用示優卹廉吏至意二十五年子林爲父訴冤請還職部議不可特旨許追復林旋請卹賜祭葬如例林以進士累官禮部左侍郎加尙書銜致仕嗚呼聖祖之於公旣簡諸生前又卹諸身後曰廉曰潔褒許再四儼然家人父子其知公深矣然三桂兇燄方張以一書生不揣而與之抗微聖祖保全則公之元已喪而骨已朽矣乃謫公於遠示薄譴稍殺三桂之怒而緩其反留公以爲異日股肱之用其恩誼爲何如哉同時以御史劾三桂得罪後且大用者爲楊公素蘊與公齊名

鐵嶺縣志

卷十 人物 寓賢

五

鐵嶺縣立第一工科印

剩人

名函可字祖心有明尙書韓爌文恪公之子幼從門下名士論交性尙禪宗崇禎十二年時年十九得印洞宗正法以出世自號剩人順治丙戌坐文字獄爲瀋陽之役戊子奉旨焚修慈恩寺凡七作道場采珠投針之徒多得大悟嘗結廬於邑之龍首山郝中山先生與之最契歲戊戌三十九齡僧臘二十圓寂於遼陽千山龍泉寺

左懋泰

山東萊陽縣人明左懋第先生之弟懋第清風亮節嫺於史閣部宏光即位南京懋第奉命北使謁陵並與清議和清拘之自矢以身報國終遇害其絕命詩曰漠漠黃沙少雁過片雲南下竟如何丹誠碧

血銷難盡蕩作寒煙永不磨聞者痛之懋泰順治初年因事謫戍鐵嶺遂家焉其子左暉生左昕生等從郝雪海先生講學世爲本邑望族今其裔居遼河西二弓台及城東左家溝并城內均有之

董國祥

字掌錄考冊籍廣川人查廣川即今河北冀縣清初與郝雪海先生同謫鐵嶺遂爲契友以詩文相唱和以道義相切磋康熙十六年輔縣令賈弘文創修縣志鐵嶺之有縣志實自公始其詩文見藝文志

王相庸

字蕉園咸豐同治間人原籍山東遊學邑內設帳授徒工詩嘗與魏燮均張簡齋諸人相唱和家族在籍盡罹捻亂而亡貧無所依益以

鐵嶺縣志

卷十 人物 寓賢

六

鐵嶺縣立第一工科印

誘掖後生爲己任卒於館諸友人及弟子等同理喪事葬之龍首山

西

穆心一

字松甫原籍山東移居瀋陽界鐵器營子村平生設帳授徒多在本境內爲文援筆立就從學掇芹如拾芥對於生徒循循善誘故人樂稱之

鄉宦

鐵嶺古鄰荒服鮮居民乏文教士類缺如烏所謂鄉宦自郝公謫居人始知學運會乘除以至今日或爲國家之光或爲閭里之榮人以地傳歟抑地以人傳歟稽諸舊志亦斷自金始彙而錄之以存其人並以存其績云

金

伊喇道

其先伊室布人初徙咸平爲人寬厚有志節以篤孝著名海陵伐宋爲都督府長史海陵死師還淮南百姓苦之有男女二百餘人自願與道爲奴道携至淮俟諸軍畢濟乃悉遣還布薩忠義討幹罕道參

鐵嶺縣志

卷十 人物 鄉宦

一

鐵嶺縣立第一工科印

謀幕府所分掠獲生口悉縱遣之歷遷戶部尙書西北路招討使諸路依故事皆獻駝馬多至數百道並却之數月皆復貢職進尙書右丞乞致仕不允尋拜平章政事二十三年罷爲咸平尹莘國公世宗曰卿數年嘗乞致仕朕未許卿今老矣咸平卿故鄉地涼事少老者所宜又傳諭曰咸平自幹罕亂後民業未復聽卿歸里所以安輯一境也明年卒上聞悼惜良久是歲幸上京路過咸平遣使致祭賜賻有加擢其子光祖爲闔門祇侯

瓜爾佳衡

原名阿爾布色咸平人大定十三年創設女直進士衡舉第四人補東平府教授明昌二年拜參知政事四年詔諭之曰卿忠實公方審

其是則執而不回見其非則去而能果度其事勢有若權衡可賜名衡胥持國言區種法衡曰若苟有利古已行之且用功多而所種少恐後荒廢土田無益勞民也承安二年擢爲上京留守規畫北邊修完封界四年就拜平章政事封英國公諡貞獻

蒙古綱

咸平府明安人承安五年進士貞祐初自請招集西山兵民招捕有功遷太子左諭德興定元年徙知東平府事拜右副元帥權參知政事行尙書省三年遣行樞密院事王庭玉討擒張林詔以綱與庭玉保全東平各遷一階元光二年以邳州經略司隸綱綱御下嚴信賞必罰邳州不樂屬綱且謀叛納合六哥等遂殺綱於行省

鐵嶺縣志

卷十 人物 鄉宦

一一

鐵嶺縣立第一工科印

盧克忠

貴德州鳳集人高永昌據遼陽克忠走謁金源郡王幹魯營降幹魯克東京永昌走長松克忠追獲之收國二年授世襲穆昆管三百戶爲二穆昆其後定燕伐宋皆與有功除登州刺史改澶州天德間同知保大軍節度使路釋冤獄大定二年除北京副留守轉陳州防禦使以靜難軍節度使致仕

劉瑋

字德玉咸平人幼警悟習舉子業熙宗特賜及第轉尙書省都事宰臣奏擬瑋經畫軍民田土世宗見其名曰劉瑋尙淹此乎遷戶部員外郎改同知宣徽院事充使宋國副使父兄皆以是官使江左當時

榮之明年擢戶部尙書時河決於衛自衛抵清滄皆被其害詔兼工部尙書往塞之瑋齋戒禱於河功役齊舉河乃復故明昌三年拜尙書右丞卒諡安敏

珠勒根穆都哩

上京納琳河人後徙咸平路梅赫河雄偉勇毅金初伐遼穆都哩領穆昆明安名官每遇敵往來馳突人莫敢當故所戰皆克累功授世襲本路音打渾河穆昆爲肇州防禦使扶餘路節度使累官金吾衛上將軍

明

按明寧遠伯李成梁確係鐵嶺人無疑今其裔及其祖塋尙在邑

鐵嶺縣志

卷十 人物 鄉宦

三

鐵嶺縣立第一工科印

東三十里之小屯明史成梁本傳載其先世自朝鮮內附則成梁又確係朝鮮裔無疑茲由小屯考李氏之譜書所載如次

李哲根穗

李哈山

李厦霸努

李把圖理

李膺尼

以上皆成梁之遠祖均葬於小屯其族所稱爲老塋者指此而言也此五世遠祖核其命名之意應爲朝鮮人可徵明史所謂自朝鮮內附者不誣

第一世 李 英

以軍功授世職鐵嶺衛指揮僉事卒葬邑南汛河北山之陽其族人呼爲新墳

第二世 李文彬

英之長子襲指揮僉事卒葬邑東之新墳以曾孫成梁官誥贈太傅

第三世 李春美

文彬之長子襲指揮僉事誥贈大傅

第四世 李 涇

春美之長子即成梁之父也襲指揮僉事以成梁官誥贈太傅太子太保寧遠伯

鐵嶺縣志

卷十 人物 鄉宦

四

鐵嶺縣立第一工科印

李成梁

鐵嶺人字汝器由生員襲指揮僉事隆慶丁卯陞副總兵協守遼陽萬曆甲戌晉左都督鎮遼總兵次年封寧遠伯子襲蔭前後鎮遼二十八年蒞任最久著在明史加太傅累疏乞休卒年九十三賜祭葬節錄明史本傳李成梁字汝契高祖英自朝鮮內附授世襲鐵嶺衛指揮簽事遂家焉成梁英毅驍健有大將才家貧不能襲職年四十猶爲諸生巡按御史器之資入京乃得襲積功爲遼東險山參將隆慶元年土蠻大入永平成梁赴援有功進副總兵仍守險山協守遼陽三年四月張擺失等屯塞下成梁迎擊斬之殲其卒百六十有奇餘衆遠徙遂空其地錄功晉秩一等四年九月幸愛大入遼東總兵

官王治道戰死擢成梁署都督僉事代之當是時俺答雖款塞而插漢部長土蠻與從父黑石炭弟委正大委正從弟煖兔抉兔子卜言台周從子黃台吉勢方強泰甯部長速把亥炒花朶顏部長董狐狸長昂從之東則王杲王兀堂清佳柞之屬亦時窺塞下十年之間殷尙質楊照王治道三大將皆戰死成梁乃大修戎備甄拔將校收召四方健兒給以厚餼用爲選鋒軍聲始振明年五月敵犯盤山驛指揮蘇成勛擊走之無何土蠻大入成梁遇於卓山麾副將趙完等夾擊斷其首尾乘勝抵巢馘部長二人斬首五百八十餘級進署都督同知世蔭千戶又明年十月土蠻六百騎營舊遼陽北河去邊二百餘里俟衆集大舉成梁擊走之萬歷元年又擊走之前屯已又破走

之鐵嶺鎮西堡增秩二等朶顏兀魯思罕以四千騎毀牆入成梁禦却之建州都指揮王杲故與撫順通馬市及是又殺備禦裴成祖成梁謀討之明年十月果復大舉入成梁檄副將楊騰游擊王維屏分屯要害而令參將曹簠挑戰諸軍四起敵大奔盡聚杲寨地高杲深溝堅壘以自固成梁用火器攻之破數柵矢石雨下把總于志文秦得倚先登諸將繼之東走高台射殺志文會大風起縱火焚之斬馘千一百餘級毀其營壘而還進左都督世蔭都指揮同知杲大創不能軍走匿哈納寨曹簠勒精騎往杲走南關都督王台執以獻斬之三年春土蠻犯長勇堡擊敗之其冬炒花大會黑石炭黃台吉卜言台周以兒鄧煖拱兔堵刺兒等二萬餘騎從平虜堡南掠副將曹

簠馳擊遂轉掠瀋陽見城外列營乃據西北高墩成梁邀戰發火器敵大潰棄輜重走追至河溝乘勝渡河擊斬以千計加太子太保世蔭錦衣千戶明年黑石炭大委正營大清堡邊外謀錦義成梁率選鋒馳三百里逼其營攻破之殺部長四人獲級六百有奇五月土蠻復入聯營河東而遣零騎西掠成梁掩其巢得利而還明年正月速把亥糾土蠻大入營劈山成梁馳至丁字泡敵方分騎繞牆入成梁夜出塞二百里搗破劈山營獲級四百三十馘其長五人加太保世蔭本衛指揮使三月游擊陶成譽擊敵長定堡獻馘四百七十有奇已告謝郊廟大行賞賚蔭成梁世襲指揮僉事有言所殺乃土蠻部曲因盜牛羊事覺懼罪來歸承譽掩殺之給事中光懋因請治承譽

殺降罪御史劾如懋言兵部尙書方逢時督撫梁夢龍周詠先與承譽同叙功力爲解卒如御史奏盡奪諸臣恩命六月敵犯鎮西堡復追退之十二月速把亥炒花煖兔拱兔會土蠻黃台吉大小委正卜兒亥慌忽太等三萬餘騎擊遼河攻東昌堡深入至耀州成梁遣諸將分屯要害以遏之而親率銳卒出塞二百餘里直搗圓山斬首八百四十及其長九人獲馬千二百匹敵聞倉皇走出塞論功封甯遠伯歲祿八百石是時土蠻數求貢市關吏不許大恨七年十月復以四萬騎自前屯錦州營深入成梁命諸將堅壁自督參將楊粟等扼其衝會戚繼光亦來援敵遂退俄又與速把亥合壁紅土城聲言入海州而分兵入錦義成梁踰塞二百餘里直抵紅土城擊敗之獲首

級四百七十有奇迤東都督王兀堂故通市寬甸後參將徐國輔弟國臣強抑市價兀堂乃與趙鎖羅骨數遣零騎侵邊明年三月以六百騎犯靉陽及黃岡嶺指揮王宗義戰死復以千餘騎從永奠入成梁擊走之追出塞二百里敵以騎卒拒而步卒登山鼓譟成梁大敗之斬首七百五十盡毀其營壘捷聞並錄紅土城功予成梁世襲其秋兀堂復犯寬甸副將姚大節擊破之兀堂由是不振土蠻數侵邊不得志忿甚益徵諸部兵分犯錦義及右屯大凌河以城堡堅不可克而成梁及薊鎮兵亦集乃引去無何復以二萬餘騎從大鎮堡入攻錦州參將熊朝臣固守而遣部將周之望王應榮出戰頗有斬獲矢盡皆戰死敵乃分掠小凌河松山杏山成梁馳援始出境九年正

月土蠻復與黑石炭大小委正卜言台周腦毛大黃台吉以兒鄧煖兔拱兔炒戶兒聚兵塞下謀入廣甯成梁率輕騎從大凌堡出去塞四百餘里至襖郎兔大戰自辰訖未敵不支敗走官軍將還敵來追成梁逆擊且戰且行先後斬首三百四十及其長八人錄功增歲錄百石世蔭一等四月黑石炭以兒鄧小歹青卜言兔入遼陽副將曹簠追至長安堡遇伏失千總陳鵬以下三百十七人馬死者四百六十四遂大掠人畜而去簠等下吏成梁不問十月土蠻復連速把亥等十餘萬騎攻圍廣甯不克轉掠團山堡盤山驛攻義州成梁禦却之十年三月速把亥率弟炒花卜言兔入犯義州成梁禦之鎮夷堡設伏待之速把亥入參將李平胡射中其肩墜馬蒼頭李有名前斬

之寇大奔追馘百餘騎炒花等痛哭去速把亥爲遼左患二十年至是死帝大喜詔賜甲第京師世廕錦衣指揮使初王杲死其子阿台走依王台長子虎兒罕以王台獻其父嘗欲報之王台死虎兒罕勢衰阿台遂附北關合功虎兒罕又數犯孤山汛河成梁出塞遇於曹子谷斬首一千有奇獲馬五百阿台復糾阿海連兵入抵瀋陽城南渾河大掠去成梁從撫順出塞百餘里火攻古勒塞射死阿台連破阿海寨擊殺之獻馘二千三百杲部遂滅錄功增歲祿百石世廕指揮僉事北關清佳砮楊吉砮素讐南關王台沒屢侵台季子猛骨孛羅且籍土蠻煖兔慌忽太兵侵邊境其年十二月巡撫李松使備禦霍九皋許之貢市清佳砮楊吉砮率二千餘騎詣鎮北關詣松九皋

見其兵盛譙讓之則以三百騎入松先伏甲於旁約二人不受撫則礮擊甲起頃之二人抵關據鞍不遜松叱之九皋麾使下其徒遽拔刀擊九皋并殺士卒十餘人於是軍中礮鳴伏盡起擊斬二人并其從騎與清佳砮子兀孫孛羅楊吉砮子哈爾哈麻盡殲焉成梁聞礮急出寨擊其留騎斬首千五百有奇餘衆刑白馬攢刀誓永受約束乃還師錄功增歲祿二百石改前廕指揮僉事爲錦衣衛指揮使方成梁之出塞也炒花等以數萬騎入蒲河及大窩堡將士防禦六日始出塞十二月把兔兒欲報父速把亥之怨偕從父炒花姑婿花大糾西部以兒鄧等以數萬騎入掠瀋陽即退駐牧遼河聲犯開原鐵嶺成梁與巡撫李松潛爲浮橋濟師踰塞百五十里疾掩其帳寇已

先覺整衆逆戰成梁爲疊陣親督前陣擊賊而松以後陣繼之斬首八百有奇捷聞增歲祿百石改廕錦衣指揮使其年五月敵犯瀋陽伏精騎塞下誘官軍游擊韓雲功追襲之敗死閏九月諸部長復犯蒲河殺裨將數人大標掠而西部銀燈亦窺遼瀋成梁令部將李平胡出塞三百五十里搗破銀燈營斬首一百八騎諸部長聞之始引去十四年二月土蠻部長一克灰正糾把兔兒炒花大等三萬騎約土蠻諸子共馳遼陽挾賞成梁偵得之率副將楊燮參將李甯李興孫守廉以輕騎出鎮邊堡晝伏夜行二百餘里至可可母林大風雪敵不覺旣至風日晴朗敵大驚發矢如雨將士冒死陷陣獲首功斬其長二十四人其年十月敵七八萬騎犯鎮夷諸堡閱五日始去十

五年春東西部連營入犯其秋八月復以七八萬騎犯鎮夷堡十月把漢大成糾土蠻十萬騎由鎮夷大清二堡入數日始出北關旣被創後清佳砮子卜塞與楊吉砮子那林孛羅漸強盛數與南關虎兒罕子卜商搆兵成梁以南關勢弱謀討北關以輔翊之明年五月率師直搗其巢卜寨走與那林孛羅合憑城守城四重攻之不下用巨礮擊之碎其外郭遂拔二城斬馘五百餘級卜寨等請降設誓不復叛乃班師十九年十一月帝從御史張鶴鳴言解成梁任以甯遠伯奉朝請成梁鎮遼二十二年先後奏大捷者十帝輒祭告郊廟受廷臣賀蟒衣金繒歲賜綢疊邊帥武功之盛二百年來未有也二十九年八月馬林獲罪大學士沈一貫言成梁雖老尙堪將兵乃命再鎮

遼東年已七十有六矣是時土蠻長昂及把兔兒已死寇鈔漸稀成梁復鎮八年遼左少事以閱視叙勞加至太傅卒年九十弟成材參將子如松如柏如楨如樟如梅皆總兵官如梓如梧如桂如楠亦皆至參將

李成材

成梁弟官參將尙義樂施見圓通寺舊碣

李如松

明史本傳如松字子茂成梁長子以父廕爲都指揮同知充甯遠伯勳衛驍果敢戰少從父諳兵機再遷署都督僉事爲神機營右副將萬歷十一年出爲山西總兵官給事中黃道瞻數言如松父子不當

鐵嶺縣志

卷十 人物 鄉宦

十

鐵嶺縣立第一工科印

並居重鎮大學士申時行請保全之乃召僉書右府尋提督京城巡捕給事中邵庶嘗劾如松及其弟副總兵如柏不法且請稍抑以全終始不納十五年復以總兵官鎮宣府巡撫許守謙閱操如松引坐與並參政王學書却之語不相下幾攘臂巡按御史王之棟因劾如松驕橫並詆學書帝爲兩奪其俸已復被論給事中葉初春請改調之乃命與山西李迎恩更鎮其後軍政拾遺給事中閱視數遭論劾帝終眷之不爲動召僉書中府二十年哮拜反寧夏御史梅國楨薦如松大將才其弟如梅如樟並年少英傑宜令討賊乃命如松爲提督陝西討逆軍務總兵官即以國楨監之武臣有提督自如松始也已命盡統遼東宣府大同山西諸道援軍六月抵寧夏如松以權任

既重不欲受總督制事輒專行兵科許弘綱等以爲非制尙書石星亦言如松勅書受督臣節制不得自專帝乃下詔申飭先是諸將董一奎麻貴等數攻城不下如松至攻益力用布囊三萬實以土踐之登爲礮石所却如樟夜攀雲梯上不克游擊龔子敬提苗兵攻南關如松乘勢將登亦不克乃決策水攻拜窘遣養子克力蓋往勾套寇如松令部將李寧追斬之已套寇以萬餘騎至張亮堡如松力戰手斬士卒畏縮者寇竟敗去水侵北關城崩如松及蕭如薰等佯擊北關誘賊而潛以銳師襲南關攀雲梯而上拜及子承恩自斬叛黨劉東陽許朝乞貸死於是如松先登如薰及麻貴劉承嗣等繼之盡滅拜族錄功晉都督世蔭錦衣指揮同知會朝鮮敵患棘詔如松提督

薊遼保定山東軍剋期東征如柏如梅並率師援剿如松新立功氣益驕與經略宋應昌不相下故事大帥見督師甲冑庭謁出易冠帶始加禮貌如松用監司謁督撫儀素服側座而已十二月如松至軍沈惟敬自敵歸言敵酋行長願封請退平壤迤西以大同江爲界如松叱惟敬險邪欲斬之參謀李應試曰籍惟敬給敵封而陰襲之奇計也如松以爲然乃置惟敬於營誓師渡江二十一年正月四日師次肅寧館行長以爲封使將至遣牙將二十人來迎如松檄游擊李寧生縛之敵猝起格鬪僅獲三人餘走還行長大駭復遣所親信小西飛來謁如松慰遣之六日次平壤行長猶以爲封使也竚風月樓以待羣敵花衣夾道迎如松分布諸軍抵平壤城諸將逡巡未入形

大露敵悉登陴拒守是夜襲如松營擊却之明日如松下令諸軍無割首級攻圍缺東面以敵素易朝鮮軍令副將祖承訓詭爲其裝潛伏西南令游擊吳惟忠攻迤北牡丹峰而如松親提大軍直抵城下攻其東南敵礮矢如雨軍少却如松斬先退者以徇募死士援鈎梯直上敵方輕南面朝鮮軍承訓等乃卸裝露明甲敵大驚急分兵捍拒如松已督副將楊兀等軍自小西門先登如柏等亦從大西門入火器並發煙燄蔽空惟忠中礮傷胸猶奮呼督戰如松馬斃於礮易馬馳墜塹躍而上麾兵益進將士無不一當百遂克之獲首功千二百有奇敵退保風月樓夜半行長渡大同江遁還龍山寧及參將查大受率精卒三千潛伏東江間道復斬級三百六十乘勝逐北十九

日如柏遂復開城所失黃海平安京畿江源四道並復酋清正據咸鏡亦遁還王京官軍旣連勝有輕敵心二十七日再進師朝鮮人以賊棄王京告如松信之將輕騎趨碧蹄館距王京三十里猝遇敵圍數重如松督部下鏖戰一金甲搏如松急指揮李有聲殊死救被殺如柏寧等奮前夾擊如梅射金甲敵墜馬楊元兵亦至斫重圍入敵乃退官軍傷失甚多會天久雨騎入稻畦中不得逞敵背岳山面漢水聯營城中廣樹飛樓箭礮不絕官軍乃退駐開城二月旣望諜報敵以二十萬衆入寇如松令元軍平壤扼大同江接餉道如柏等軍寶山諸處爲聲援大受軍臨津留寧承訓軍開城而身自東西調度聞敵將平秀嘉據龍山倉積粟數十萬密令大受率死士從間焚之

敵遂乏食初官軍捷平壤鋒銳甚不復問封貢事及碧蹄敗劬如松氣大索應昌如松急欲休息而敵亦芻糧並絕且懲平壤之敗有歸志於是惟敬歎議復行四月十八日敵棄王城遁如松與應昌入城遣兵渡漢江尾敵後將擊其惰歸敵步步爲營分番迭休官軍不敢擊敵乃結營釜山爲久留計時兵部尙書石星力主封貢議撤兵獨留劉綎拒守如松乃以十二月班師論功加太子太保增歲祿百石言者詆其和親辱國屢攻擊之帝不問二十五年冬遼東總兵董一元罷廷推者三中旨特用如松言路復交章力爭帝置不報如松感帝知氣益奮明年四月土蠻寇犯遼東如松率輕騎遠出搗巢中伏遇戰死帝痛悼令具衣棺歸葬贈少保寧遠伯立祠諡忠烈以其弟

鐵嶺縣志

卷十 人物 鄉宦

十三

鐵嶺縣立第一工科印

如梅代爲總兵官授長子世忠錦衣衛指揮使掌南鎮撫司仍充寧遠伯勳衛復廕一子本衛指揮使世襲恤典優渥皆出特恩云世忠未久卒無子弟顯忠由廕歷遼東副總兵當嗣爵朝臣方惡李氏無爲言者至崇禎中如松妻武氏愬於朝章下部議竟寢後莊烈帝念成梁功顯忠子尊祖得嗣寧遠伯闖賊陷京師遇難

李如柏

字子貞成梁第二子由父廕爲錦衣千戶嘗與客會飲礮聲徹大內下吏免官再以廕爲指揮僉事數從父出塞有功歷密雲游擊黃花嶺參將薊鎮副總兵萬歷十六年御史任養心言李氏兵權大盛姻親廝養分操兵柄環神京數千里縱橫蟠據不可動搖如柏貪淫跋

扈尤甚不早爲計恐生他變帝乃解如柏任於是成梁上書乞罷并請盡罷子弟官帝慰留不許久之起故官署宣府參將引疾歸如松之禦敵朝鮮也詔如柏署都督僉事先率師赴援既拔平壤如柏疾趨開城攻克之斬首百六十有奇師旋進都督同知爲五軍營副將尋出爲貴州總兵官二十三年改鎮寧夏著力兔犯平虜橫城如柏邀之大獲斬首二百七十有奇晉右都督再以疾歸家居二十餘年會遼東總兵官張承蔭戰歿文武大臣英國公張惟賢等合疏薦如柏詔以故官鎮遼東蒙古炒花入犯督諸將擊却之始成梁如松爲將厚畜健兒故所向克捷至是父兄故部曲無復存而如柏及諸弟放情酒色亦無復少年英銳持以李氏世將起自廢籍中顧如柏中

鐵嶺縣志

卷十 人物 鄉宦

十四

鐵嶺縣立第一工科印

情恇怯惟左次避敵而已時清師臨河如柏故引軍防懿路及楊鎬四路出師令如柏以一軍出鴉鶻關甫抵虎攔路鎬聞杜松馬林兩軍已覆急檄如柏還清哨兵二十人見之登山鳴螺作大軍追擊狀如柏軍大驚奔走相蹴死者千餘人御史給事中交章論劾給事中李奇珍連疏爭尤力帝終念李氏詔還候勘既入都言者不已如柏懼遂自裁

李如楨

成梁第三子由父蔭爲指揮使屢加至右都督並在錦衣嘗掌南北鎮撫司提督西司房列環衛者四十年最後軍政拾遺部議罷職章久留不下如楨雖將家子然未歷行陣不知兵及兄如柏革任遼人

謂李氏世鎮遼東邊人憚服非再用不可巡撫周永春以爲言而是時如柏兄弟獨如楨在兵部尙書周嘉善遂徇其請以如楨名上帝可之時萬歷四十七年四月也如楨籍父兄勢又自以錦衣近臣不肯居人下未出關即遣使與總督汪可受講鈞禮朝議譁然嘉善亦特疏言之如楨始怏怏去既抵遼經略楊鎬使守鐵嶺鐵嶺故李氏宗族墳墓所在當如柏還京其族黨部曲高貲者悉隨之而西城中爲空後鎬以孤城難守令如楨還屯瀋陽僅以參將丁碧等防守力益弱清兵臨城如楨擁兵不救城遂失言官交章論列經略熊廷弼亦論如楨十不堪乃罷任天啓初言者復力攻下獄論死崇禎四年帝念成梁功特免死充軍

鐵嶺縣志

卷十 人物 鄉宦

十五

鐵嶺縣立第一工科印

李如樟

亦由父廕歷都指揮僉事從兄如松征寧夏先登有功累進都督僉事歷廣西延綏總兵官

李如梅

字子清亦由父廕歷都指揮僉事從兄如松征日本却敵先登屢遷遼東副總兵二十四年炒花卜言兔將入犯如梅謀先襲之督部將方時新等出塞三百里直搗其廬帳斬首百餘級而還明年如梅與參政楊鎬謀復從鎮西堡出塞潛襲敵營失利損部將十人士卒百六十人如梅以血戰重創免罪日本封事敗其年八月晉署都督僉事充禦敵副總兵赴朝鮮援勦時麻貴三路進師令如梅將左軍與

右軍共攻蔚山如梅偕參將楊登山騎兵先進設伏海濱而令游擊擺賽以輕騎誘賊斬首四百有奇餘賊遁歸島山副將陳寅冒矢石奮呼上破柵兩重至第三柵垂拔楊鎬爲總理宿與如梅暱不欲寅功出其上遽鳴金收軍翊日如梅至攻之不能拔已而賊援至如梅軍先奔諸軍亦相繼潰贊畫主事丁應泰劾鎬並劾如梅當斬者二當罪者十帝不納旋用爲禦敵總兵官會其兄如松戰歿即命如梅馳代之踰年坐擁兵畏敵劾罷久之起僉書左府四十年鎬巡撫遼東力薦如梅爲帥不得至以死爭給事中麻僖御史楊州鶴力持不可乃止成梁諸子如松最果敢有父風其次稱如梅然躁動非大將才獨楊鎬深信後復倚任其兄如柏卒以致敗

鐵嶺縣志

卷十 人物 鄉宦

十六

鐵嶺縣立第一工科印

以上均係節錄明史本傳按成梁之裔自明萬歷以迄清初百餘年間文武顯宦蟬聯不絕李氏一門有九總兵十二指揮之說考其譜書所載五六品以上官吏不下二三百人實爲邑中之望族今其裔尙居城東小屯村中

高 槃

鐵嶺衛人明東寧衛世襲指揮使

高承恩

明東寧衛世襲指揮使

高三輔

明懷遠將軍

高崇政

明東寧衛指揮使

高三洲

明懷遠將軍

高雲鳳

明世襲指揮使

高成龍

明懷遠將軍

高成美

明通誼大夫淮揚副使

鐵嶺縣志

卷十 人物 鄉宦

十七

鐵嶺縣立第一工科印

清

金維城

鐵嶺人維城初由侍衛授參領崇德元年清兵圍錦州維城奉命同副都統金礪督運軍糧任兵部理事官擢副都統五年隨鄭親王再圍錦州先後攻克其臺十有八屢敗松山杏山敵衆以功予雲騎尉世職順治元年清定燕京任兵部侍郎五年隨鄭親王定湖廣凱旋獲優賚晉世職一等輕車都尉十五年卒

金維垣

維城之弟襲一等男兼副都統

金維藩

維城之弟仕至保定府知府

金世德

維成長子也字孟求一字衍慶隸漢軍正黃旗淹貫經史兼習滿文順治初以廕補內翰林院編修凡有大撰著恒午夜馳召之康熙丙午招撫閩海有功累遷副都御史出撫畿輔境內漳水滹沱桑乾諸河沒民田計八萬餘畝久苦征輸世德請豁免再三遂蒙捐除甲寅以後兵需浩繁世德單騎行營中躬給芻糧兵無橫索市肆晏然己未庚申旱饑請截漕蠲賑四十餘邑賴以全活每見屬官必令盡所欲言喜讀循吏傳清白自矢莫敢干以私卒諡清惠

金世師

鐵嶺縣志

卷十 人物 鄉宦

十八

鐵嶺縣立第一工科印

維城次子保定府巡撫餘未詳

金世榮

維城三子性沈毅寡言持己廉介遇事機敏以廕生襲世爵歷任江南狼山及福建漳浦總鎮寧波松江提督福建將軍閩浙總督歷十餘年凡八任內補兵部尙書

金世需

維城四子仕至狼山總兵

金世鑑

字萬涵維城第五子少秉粹資卓犖不羣好讀書尤精於天官家言其祖父俱有勳烈予世職世鑑以廕入仕歷官有聲凡八遷而至工

部侍郎及罣誤左官又四遷而爲奉天京兆尹逾年以疾卒於任時年四十有三比卒家無餘儲遼之士民奔走號泣如喪所親所在釀錢設像爭爲祠以祀之

金世鳴

維城第六子仕至四川劍州知州

金世揚

貴州巡撫湖北提督都察院右都御史

金世忠

仕至副都統餘未詳

金世鐸

鐵嶺縣志

卷十 人物 鄉宦

十九

鐵嶺縣立第一工科印

以佐領升任天津道

金世宏

仕至總兵餘未詳

按金維城係金朝興之孫金玉和之長子餘皆其裔也朝興官明指揮僉事降清封泝國公玉和官明千總開原之役率衆降清積功至懷慶總兵因與流寇戰陣歿朝興玉和以明官降清故其事蹟本志置而不錄舊志竟因玉和死事將其事蹟錄入忠節志中實所不解

王國棟

邑之漢軍廂紅旗人順治七年知山西信州時叛鎮姜瓖亂後州境

荒蕪國棟勘得無主荒地及沒水地若干請題免逋賦七千餘兩而荒地以次開闢賦仍無缺公私便之仍隨事講求以利民爲急務招徠安集民困始蘇卒祀名宦祠

熊維傑

邑之漢軍廂紅旗人順治八年爲浙江按察使性峭直不苟言笑然善於撫民其爲政簡而周剛而不刻時滿洲兵初移駐或有不遵約束出擾民者有司不敢問維傑出有來訴者必立馬更爲之申理兵不敢復擾民望見其麾輒相慶賀

陳素抱

邑人順治二年知山西猗氏縣邑人陳蠻子脅衆爲亂素抱曰賊愚

鐵嶺縣志

卷十 人物 鄉宦

二十一

鐵嶺縣立第一工科印

而詐人必不附已而果爲鄉勇所殺五年逆鎮姜瓖之亂大軍分路進勦素抱已備兵潼關伺帥府渡河力陳猗氏民必不應賊請以其子佩從令先馳至縣召士民出迎帥府慰勞大軍遂不入境猗氏民感其德

胡有德

邑人知陝之華州慈惠明決順治十一年夏大旱具文城隍深自刻責須臾風雨驟至秋禾有成人咸謂其精誠所感召嘗憫所屬寒峻歲給穀至數百石俾資膏火一時人士咸愛戴之

郎廷佐

邑之漢軍旗人先世隨明軍與清決戰死綏廷佐入清充武職定鼎

後順治十一年任江西巡撫十三年授總督十五年明魯王監國遣張煌言與唐王舊臣鄭成功合軍進攻江寧旋敗煌言由安徽越嶺還海上未幾成功病卒於台灣公移書煌言勸其納降詞旨溫厚煌言復書曰某復書於皇明遼陽世胄郎使君執事夫揣摩利鈍指畫興衰庸夫聽之或爲變色而忠貞之士則不然其所持者天經地義所圖者國恤家仇所期望者豪傑事功聖賢學問以故氈雪自甘膽薪彌厲而卒以成功古今何可勝計如僕者將略原非所長祇以讀書知大義痛忿胡氛左袒一呼甲楯山立區區此心以濟則賴君之靈不濟則全臣之節是以不惜憑履風濤之中縱橫鋒鏑之下迄今一紀矣同仇愈廣晚節愈堅練兵澥宇正爲其時今何時乎兩粵天

聲三楚露布以及八閩軍書何啻雷霆飛翰况島夷外訶西戎內侵清人左支右吾其消滅可指日待矣僕方當起而匡扶帝室克復神州此正忠臣義士得志之秋也即或不然而謝良平竹帛抗黃綺衣冠亦之死靡他豈復煩詞曲說足以動其心哉乃執事儼然以書進是以僕爲庸庸者流可以利鈍興衰動者譬之虎偃戒途雁奴伺夜既受其役竟忘其哀在執事固無足怪而僕聞之髮且衝冠矣雖然執事固我朝勳舊之裔而遼左死事之孤也念祖宗之厚澤宜如何悲傷痛父母之深仇宜如何報雪稍一轉關不失爲中興人物顧以陵律自居華夷莫辨甚爲執事不取也姑以執事恩仇之說言之自遼事起而征調始繁催科益急潰卒散而爲盜賊窮民聚而弄干戈

是釀成寇禍者清人也及京華失守屬國興師誠能挈故物而還之天朝將吐蕃回訖不足稱美於前乃拒虎進狼既收漁人之利於河北復肆蠱蠱之毒于江南則清人果恩乎仇乎執事亦可憬然自悟矣以來函溫潤諒執事非憤憤者聊附數行以復若斬使焚書適足以見不廣僕亦不爲也此復公得書嘆息置之嗣移駐江寧有惠政民愛戴之稱爲郎佛姑蘇抗糧案發其事激於縣令任維初巡撫朱國治嘗索賄于任令庇獲之世祖崩哭廟時諸生上書揭告撫臣遂誣以謀反嚴比倪用賓等波及教授程翼蒼公素識程曲釋之撫臣羅織不已丁子偉金聖嘆等尤爲指名公出示云任令一案葛藤未已以後不得再有攀招時朝命滿大臣尼馬二人會審公恐奸人搆

陷士類地方愈益糜爛屢排解之立秋日值公出送欽使撫臣擅行處決多人公歸以罪關欽犯無可如何然始終以矜恤爲心蘇人諒之

按廷佐之先世仕明與清戰陣歿而廷佐仕清至方面似不應載入鄉宦志中其總制江南也與張蒼水先生信使往還桀犬吠堯各爲其主廷佐雖未反正然亦爲之感動抗糧之獄羅織無已而廷佐爲之解脫營救全活甚衆微廷佐則江浙名流無噍類矣且其爲政寬簡愛民故有郎佛之喻非侈心富貴者可比本志採不沒人善之義故錄之

字壽疇一字叔達邑之漢軍旗人父永芳明撫順游擊歸清官至總兵率泰其次子也年十二歲入侍禁廷崇德八年以下明山東擢副都統順治元年授刑部參政四月隨睿親王入山海關破李自成尋平定山東河南三年定福建叙功授世職爲二等輕車都尉八年調吏部侍郎授宏文院大學士十年授兩廣總督旋調閩浙總督擒敵招降蒙聖祖優獎康熙五年卒於官予祭喪諡忠襄

李延壽

一名剛阿泰額駙永芳第三子少負將材早歲從征平定南方郡縣以功加都督順治五年任宣府總兵時大同鎮姜瓖作亂千里響應人心搖動而五台受圍尤急延壽伺知賊穴在寶村聲言代州養馬

鐵嶺縣志

卷十 人物 鄉宦

一二十三

鐵嶺縣立第一工科印

刻期進兵即從峨口出賊不意夜抵寶村自據真武廟遣勇士數人馳馬耀甲於街賊衆驚潰乃縱兵圍勦賊黨聞之解五台圍延壽分兵勦捕且招撫之時有點賊據曹巖砦拒守砦高數百丈四面陡絕延壽督軍環圍之斷其上下途徑夜半援手而登直造砦門鳴鼓奮攻賊驚潰俱墜崖死遂入城曉諭居民各還本業延壽居官二年旌賢懲惡優禮士庶亂後勸墾荒田給牛具人人有更生之慶卒祀山西名宦祠

李巴顏

永芳第五子襲父三等子爵任參領從征科爾沁有功順治元年晉二等子從定西大將軍和洛輝勦四川流寇敗一隻虎於商州時賊

兵二萬巴顏與和洛輝督戰斬馘萬餘賊平叙功晉一等子姜瓖叛大同隨睿親王英親王討平之以功晉一等伯

按李永芳爲明撫順守將時降清官至專閫因涉二臣之嫌故本志不錄但錄其二子李氏確係本邑人其墓在境內又遼河西有村名李巴顏即因人以名村也邑西李家窩棚富人李姓族甚繁衍皆其裔也

高天爵

按清朝先正事略高公天爵字君寵漢軍廂白旗人後以子其位大學士時改隸廂黃旗先世居鐵嶺父尙義隨征有功予輕車都尉世職公少讀書善騎射慷慨重義順治四年由貢生除知高苑縣捕巨

鐵嶺縣志

卷十 人物 鄉宦

一二十四

鐵嶺縣立第一工科印

盜謝千等博興縣爲賊所陷公夜率衆馳救之賊皆遁遷知信陽州以經略洪承疇薦擢長沙知府大兵進攻明桂王公奉檄理軍餉聞父病力請去官十六年再授江西建昌府先是廣昌山賊王昂傅盛等聚衆數千距羊石浦水二砦爲老巢時出掠劫砦勢險峻官軍仰攻不利因罷攻招之降王昂傅盛佯就撫仍伺隙煽亂官軍擒之斃於獄餘賊益負固抗拒乃依山立柵困之十八年夏公與巡道張永祺等定計破之淮攻羊石砦並截賊去路斬馘無算因赭山鑿險以絕後患公擒賊渠幸連升周由義等及王昂之父王尙智所掠丁口悉還其家事聞得優叙在建昌多善政康熙十三年遷兩淮鹽運使未行耿精忠據福建叛出兵攻建昌或謂可亟去公慨然曰吾守此

士十六年雖受代豈可遞去當殉此城耳時城中將吏多陰從賊公知事不可爲乃命其子奉母從間道出自跨馬率家僮數十禦賊萬年橋賊不能赴守將趙印已降賊乘公力戰時從後縛之遂執以入閩累誘降皆不屈繫獄中越歲餘公與副將王進等謀遣千總徐得功出仙霞關請大兵入閩陰結死士爲內應謀洩被害時十五年九月四日也詔贈太僕寺卿廕一子三十五年福建巡撫卞永譽請以公及福建總兵吳萬福福州知府王之儀邵武知府張瑞午建寧同知喻三畏邵武同知高舉侯官知縣劉嘉猷尤溪知縣李壘福州城守寥有功等合祀省城西門外得旨允行四十六年子其佩官浙江溫處道爲父請匾額御書蓋臣義烈額其家祠復請諡特賜諡忠烈

鐵嶺縣志

卷十 人物 鄉宦

一一十五

鐵嶺縣立第一工科印

高其位

字宜之一字蘊園天爵長子由父難廕襲二等輕車都尉康熙十三年從順承郡王勒爾錦出師襄陽討吳三桂會總兵楊來嘉叛命其位率二十騎覘虛實猝遇賊衆二萬人於土地嶺其位出不意衝突之賊驚潰且斫且馳至南漳入城守禦衣上血糝糊刀刃盡缺叛賊譚洪帥舟師三萬向鄖陽其位以百人扼楊溪舖賊蠡至其位踞崖射賊矢無虛發相持七十日糧盡煮馬匹以食誓必死會副都統李

林隆擊破賊乃全師歸由是每戰先登先後給功牌十二薦擢襄陽總兵晉湖廣提督累官兩江總督太子太傅文淵閣大學士禮部尚書卒諡文恪入祀賢良祠

高其佩

字韋之號且園天爵第五子以父蔭授宿州知州內遷工部員外郎出爲溫處道坐署運使虧鹽課奪官尋開復補四川永甯道就遷按察使內遷光祿卿擢刑部侍郎晉都統仍兼刑部侍郎雍正三年夏命同侍郎史貽直審理年羹堯誣罰茶商私佔鹽窩各款又陝西郿陽縣因私塩死無辜八百餘人事皆得實五年坐讞獄失入奪侍郎仍留都統任尋罷其佩天姿超逸工詩兼善指頭畫海內珍之

鐵嶺縣志

卷十 人物 鄉宦

一二十六

鐵嶺縣立第 工科印

高蔭爵

字澹菴天爵之弟由蔭生歷任四川松茂道按察司僉事康熙四十五年疏濬都江堰水利轉運黃勝關糧儲綏懷有術訟獄無冤民兵交感後轉直隸口北道

高其倬

字章之號美沼又號種筠天爵從子蔭爵子康熙甲戌進士改庶吉士散館授編修累官至戶部尚書其爲廣西巡撫總督時奏革土司承襲各衙門漏規得旨嘉獎調閩浙總督奏請開洋便民詔王大臣議行時李衛巡撫浙江命其倬專管福建遂條陳福建塩政事宜陛見御製詩賜之有操凜冰霜功帶礪匡時重鎮眷良臣之句晉太子

太保先是帝以其倬曉堪輿術詣福陵恭視形勢其倬奏言水法順通合局稱旨旋調江西總督復命來京相度萬年吉地於易州特晉三等男諭曰高其倬歷任封疆其樹績建勳揚名垂譽者不可悉數原不以此爲宣力見長之地乃能悉心籌度務期萬全無一毫瞻顧推諉實出於忠愛至誠之悃不僅才識超羣已也乾隆元年以疾召還京擢工部尙書十月卒於寶應舟次遺疏入諭曰高其倬練達老成宣力年久今聞溘逝深爲悼惜賜祭葬諡文良所著味和堂詩集行世蓋其倬卒後其子恪等爲校刻孫嘉淦沈德潛蔡珽皆有序袁枚隨園詩話云文良公詩爲勳業所掩

按今小汎河大小鮑家岡子等村尙有高氏後裔其族甚繁

鐵嶺縣志

卷十 人物 鄉宦

一二十七

鐵嶺縣立第一工科印

李蔭祖

字繩武鐵嶺人榮祖從父弟也榮祖事詳孝義順治間由國學生授戶部郎中累官大司馬總制畿輔及青豫二省眞定山西久爲寇據蔭祖諭井陘道副使陳安國入賊巢撫之賊渠高三出涕泣就撫卒爲勇將十三年晉太保總督全楚值進兵滇黔蔭祖區畫有方兵民便之在任四年以疾告歸卒賜祭葬崇祀直隸山東河南湖廣名宦祠

李率祖

字克承號素園順治間與兄蔭祖隨經略洪承疇軍前効力授曲靖府知府爲揭報吳三桂逼勒藩標兵丁一案降二級康熙甲寅三桂

果叛奉特旨召慰帶領旗員七十二名前往湖廣征勦至沙湖攻賊擒獲僞官四十餘員叙功仍復原官後因病乞休年七十八卒崇祀曲靖府名宦祠

李輝祖

康熙十三年官郎中十九年遷貴州按察使二十一年授四川布政使經吳三桂亂後田多荒蕪耀祖勸民開墾生聚日盛按畝徵賦釐奸除弊民以爲便歲貢蠟料棧道險阻民多以爲病輝祖力請於巡撫奏罷之三十四年授河南巡撫尋擢湖廣總督卒祀四川名宦祠

李興祖

耀祖弟也初任直隸慶雲令康熙二十四年擢山東兗州捕盜同知

鐵嶺縣志

卷十 人物 鄉宦

一二十八

鐵嶺縣立第一工科印

地爲山東江南兩省阨要時土寇李二和尚餘孽尙不靖興祖蒞任晚諭居民能擒賊者賞能自新者即免罪不一年餘黨盡除在任三年多方巡察恩威並濟兩省所屬人民悉遵禮讓姦宄衰息迨攝篆沂州清廉惠愛咸頌仁明尋擢直隸河間知府累官江西布政使順天府丞卒兗人恩其德崇祀名宦祠

李耀祖

字潛美號嵩山順治辛丑授佐領康熙壬寅授刑部湖廣司員外郎丁未授禮部儀制司郎中誥封資政大夫甲寅監督揚州鈔關剔除宿弊潔己奉公

李錫

耀祖之長子也字受茲號培菴受叔祖恒忠恩蔭于康熙丁卯授通政使司七品筆帖式乙丑授戶部河南司主事癸酉授雲南開化府知府乙亥丁母艱戊寅再補開化知府庚辰陞直隸通永道副使己丑陞貴州按察使辛卯陞湖北布政使丙午調河南巡撫丙申授工部侍郎所至有政聲頗著能名

李鐸

蔭祖次子康熙中知浙之紹興府會餘姚大水漂溺人民廬舍鐸與知縣康如漣煮粥以賑編筏以居又念就食妨業復按各縣鄉里民籍人給米四斗幼者半之製衣與寒者全活甚衆在任四年始終不名一錢

鐵嶺縣志

卷十 人物 鄉宦

二十九

鐵嶺縣立第一工科印

李鈞

蔭祖長子字長源康熙丙午補授佐領陞兵部員外郎甲子擢監察御史戊辰特簡湖北按察使旋陞福建布政乙亥晉大理卿又遷兵部右侍郎丙子帝統師北征噶爾丹鈞同御史于成龍督運中路軍糧出古北口至奎素沙深陷轂令士卒伐柳枝橫籍沙上而車得進至克魯倫河復命轉餉西路凱旋戊寅授山東巡撫以病乞休旋奉特旨起用仍以兵部右侍郎兼都察院右副都御史巡撫安徽己卯科文闈監臨庚辰以病致仕癸未山東大饑鈞罄資貸帑赴告新興縣賑濟四月卒於羊流店旅舍年五十六欽賜祭葬東省士民建祠于羊流店春秋祭享崇祀湖北山東名宦祠

李 欽

字式唐號陶菴耀祖次子由鴻臚寺典籍授桂東縣知縣有惠政士民感之卒年三十崇祀桂東名宦祠

李 錦

字繡章號心菴耀祖三子由監生歷山西平陽四川巴縣江南甯國等縣以丁憂回籍嗣奉上諭直省督撫保舉操守清廉愛民能事之員以聞兩江總制范承勳安徽巡撫佟國柱同薦錦治行第一應詔覲見以同知用晉奉政大夫卒年四十有三崇祀寧國名宦祠

李 鈺

字其相邑人承叔耀祖廕授筆帖式歷授福建安西山西高平等縣

鐵嶺縣志

卷十 人物 鄉宦

三十

鐵嶺縣立第 工科印

潔己愛民歲饑分廠散米蝗蝻害禾出粟勸捕忽蝨食禾殆盡鈺糶倉散種民賴有秋旋授雲南知州年四十九卒

李 鏞

字宏中由監生授江南池州府同知因從兄鈞巡撫安徽循例迴避歷官福建汀漳道浙江督糧道著有惟清齋詩集行世

李樹德

字沛元號莪村鈞之長子以世職授佐領康熙庚午北征噶爾丹以軍功得優等丁丑充內閣學士特旨爲親征溯漠方略館纂修官甲午任山東總兵都統僉事丙申授山東巡撫丁酉庚子兩科文闈監臨武主試壬寅奉旨鎮守福建統轄漢軍綠旗都統將軍其撫山左

時有惠政士民沐其德建祠於登州之蓬萊閣

李瀚

原名景隆字受川號西園由歲貢生官雲南知府舉雍正壬子舉人累官雲南巡撫著有詩鈔行世

李方勉

原名勉德字遜修由內庭供奉累官廣東道著有懷立堂詩集

李方勤

原名勤德字禹修一字補之號硯北官戶部主事著有李邨集滋蘭室洗石山房詩集

李洞德

鐵嶺縣志

卷十 人物 鄉宦

三十一

鐵嶺縣立第一工科印

字遐原官參領著有捷碧山房詩文稿紅齋詩存

按自李蔭祖至此皆明甯遠伯李成梁之後裔

趙廷臣

字君鄰邑人性至孝父歿獨居三年不入內室順治二年由貢生知山陽縣時屢經兵火民多流散廷臣均徭緩賦民以安集丁亥歲饑捐金糶粟計口賑之老弱者復按季給之多所全活逆賊劉二虎與鄭寇王二虎攻山陽廷臣晝夜固守城賴以全其餘竊發山寇諭以大義多受撫又嘗率騎偵賊爲所傷扶創歸益嚴守禦曰吾爲國守於身何有山寇王希榮久據鎮安掠縣令拘寨下臺司檄廷臣往撫即單騎至賊營宣布威德希榮遂降廷臣因携前令歸臺司咸器重

焉陞江寧同知有趙佛之稱及轉湖南巡道兵民皆喜曰趙佛來矣時軍需旁午廷臣辦理有方事濟而民不擾遇刑獄加意平反廳事但聞脫械聲行路爲之感泣尤厲清操歲時酬獻不敢至其門十五年巡撫貴州延見父老博採旁收凡有條禁洞悉幽隱定賦額興學校禁橫暴嚴騷擾種種善政殘黎如出湯火康熙元年調閩浙總督去之日士民擁道攀號去浙逾年恤軍愛民以勞卒於官謚清獻

李思義

袁仲選

鐵嶺縣志

卷十 人物 鄉宦

三十一

鐵嶺縣立第一工科印

邑貢生順治七年任澤州樸誠仁慈愛民如子蒞任之始城爲賊據官兵將臨賊遁去仲選單騎往招撫百姓及官兵至王以百姓從賊欲屠之仲選涕泣力爲求免並請以己之家屬保百姓之性命王始呼百姓而諭之曰爾等從賊本宜誅戮今爾使君再三爲爾請命姑且施恩如再從賊汝等無遺類矣百姓歡呼曰城中性命皆我袁使君所賜也於是家家置仁慈袁老爺救民食祿之牌位朝夕禮拜復於城內建生祠延羽士住持焚香以報活命之恩額曰報恩祠後調潞安州百姓攀號如失慈父母又復共捐資財立堆金會每年五月中爲賽五日闔境士民赴會者絡繹載途香火之盛視昔有加焉

李林盛

字震生亦李成梁之裔父向舜順治三年林盛襲父職七年加授騎都尉隨信郡王征雲南授佐領康熙十八年擢山東總兵官尋擢廣西提督和輯兵民安靜謹守三十七年調固原帝諭大臣曰李林盛居官甚優前陛見所奏絕無隱諱廣西武弁賢否皆從其敷陳之言朕皆書而志之矣遂御書明信敦義額賜之授廂紅旗漢軍都統正資倚畀今以老病乞休情詞懇切著以原官致仕卒年七十五賜祭葬

李林隆

字霞青號紹銀亦成梁裔康熙甲寅授鄖陽副將洪福叛詔林隆領禁旅守鄖襄乙卯調守鄖陽會譚洪糾黨犯鄖陽順流而下陸路賊

鐵嶺縣志

卷十 人物 鄉宦

三十三

鐵嶺縣立第一工科印

聯絡策應鄖陽糧道遂絕林隆偕提督楊茂勳等分兵擊敗之糧道始通得旨嘉獎庚戌征噶爾丹林隆從征專督火器有戰功壬申任固原提督陛見聖祖諭之曰爾父祖名臣爾熟諳邊事故深信重任使爾養馬練兵於要地秦民强悍王進寶時數爲亂宜從容整理林隆既蒞任籌畫事宜條奏悉稱旨還京授都統卒年六十四賜祭葬

戴亨

字遂堂號通乾父梓才高學博技巧絕倫其製造器物得墨子及諸葛武侯遺意本浙江人好與西人爭勝因忤欽天監監正南懷仁徙鐵嶺遂家焉亨登康熙辛丑進士出爲山東齊河縣令以抗直不苟合解組去寄居京師家益貧簞瓢履空晏如也爲人篤於至性然諾

不輕有忠孝大節其爲詩宗杜少陵與同時李鏘陳景元齊名爲遼東三老之一有慶芝堂詩集行世

李清鑰

字叔達號北門亦成梁之裔康熙丙申任山西太原府知府工書法購求諸名帖刻石於郡齋後圃名曰古寶賢堂

劉廷珂

字爾序邑人康熙間歲貢生題郝復陽先生楹聯云有鋤奸不敢欺君父臥雪猶然志聖賢之句官保定束鹿縣教諭

商 珏

字偉玉邑人歲貢生歷任香河武清兩縣教諭

鐵嶺縣志

卷十 人物 鄉宦

三十四

鐵嶺縣立第一工科印

鄧慶麟

字香閣鐵嶺遼河西大榆樹堡人咸豐壬子進士官監察御史時山西官塩滯銷私塩充斥皆因地方官招商辦理不得其人乃抗疏論列以清積弊奉旨俞允並因吉林地方村落星散每出命案地方官不肯即驗必俟續報積數案方帶刑忤衆役多人按次臨驗竟有俟至三五月之久不獲相驗者且上下廠規每一命案必需數千吊其公館供給看守呈報及鄉保額外攤派侵蝕尙不在此數內實爲地方之大害死屍日久暴骨或者犬狼殘食或值暑熱糜爛屍驗不全每致屍親兇犯籍以狡執易啓日後檢驗之案特爲據實上聞請旨飭吉林將軍嚴札各州縣遇有命案隨報隨驗永革廠規名目隨帶

人役酌立額數違者揭參旨下之日人民無不感德

石 玠

字季高城西長溝沿人以宗室學教習任滿擢知直隸盧龍縣事時某達官母死修壙凌晨有姊弟經其處土工目窺女美殺其弟而欲姦女女力詈不從遂斃之並弟屍掩於壙下無知之者公蒞任廉得情實託言有鵲逐驕而噪驅去復來意若鳴冤者遂至墓處掘壙土達官聞而來阻公與立狀如無異甘認擅掘之咎出其柩復掘土尺餘果見二屍面如生達官目瞪口呆不知所措公曰當日土工爲誰某官答爲某拘至一訊即服公爲抵其罪而旌女節由是石青天之名大噪歷署各路同知未及超遷而歿民多遺愛之思焉

鐵嶺縣志

卷十 人物 鄉宦

三十五

鐵嶺縣立第一工科印

石賡臣

字又高季高子歷任宛平等縣饒有父風著拆獄名且敦鄉誼同治間曾兩助奉天鄉闈元卷仕至直隸同知

麻 冕

邑人以歲貢生歷任盧龍武清教諭

李孟輝

字有光城西大孤家子人以宗室學教習任滿擢雲南知縣

郭鑑襄

字介臣邑人咸豐壬子進士由湖南知府累遷山東德州督糧道所至皆稱善宣統辛亥重赴鹿鳴晏以引榮賜一品年八十卒於魯

李向陽

字曦園城西賀家坵人咸豐庚申進士光緒初官直隸滎城縣知縣政聲大著退餘之暇親爲吏民宣講聖諭籍資感化大吏聞之方期大用未幾卒士林惜之

于民新

字子元城西曉興屯人同治甲戌進士授刑部主事辦秋審案多洗冤獄充光緒辛丑科順天鄉試同考官仕至郎中記名道員卒於官

田上上

字貢臣城南范家屯人以貢生官直隸教諭

田惟公

鐵嶺縣志

卷十 人物 鄉宦

三十六

鐵嶺縣立第一工科印

字朗山邑人以例授直隸易州吏目

田葆綬

字紫綸惟公子以恩貢生効力吉林歷署五常吉林各府事有循聲以病告歸

陳紀升

字旭樓邑人熟諳律例同治間以例監官山西襄陵縣知縣民無冤獄

陳淮

字桐江紀升子學術湛深以戶部江南司郎中卒於需次

彭廣璞

字韞山城內人以附生官戶部江南司員外郎供職三年告歸家居
光緒甲午卒於籍因長子熙臣官江蘇道次子英甲官甘肅布政使
贈一品封典

彭熙臣

字敬亭廣璞長子以附生官江蘇道員

彭英甲

字秉賡又號鼎林熙臣弟由附生官甘肅蘭州道晉按察司署理布
政司

彭廣心

字潤堂號鏡如廣璞之弟也以優行廩生中同治癸酉科拔貢盛京

鐵嶺縣志

卷十 人物 鄉宦

三十七

鐵嶺縣立第一工科印

宗室學漢教習授職知縣光緒十三年選湖北廣濟縣知縣抵任後
周視縣境見北鄉多山勸植桑柞蠶業以興自著蠶桑簡編行於世
南鄉多窪外江內湖水患頻仍稟請巨款以工代賑修築中廟月隄
盤塘湖石橋石堤各工而水災以減屬境武穴鎮發生交涉重案嚴
拿首犯弭患無形受知於湖廣總督張文襄公之洞許爲才堪大用
而忌之者亦每以是案爲口實十九年授知府因兩院失和被湖北
巡撫參劾落職尋開復後改官山西歷充籌餉局機器局釐捐局營
務處各要差奉委審辦五台山渾源州等處京控又委赴河南會審
人民重案聽斷明決爲當道所推許三十年山西巡撫張公曾剔以
局幹老練才具明通奏補寧武府知府格於部議又委署蒲州府知

府未抵任旋因時勢多艱乃歸京佐武衛左軍時以姪英甲任甘肅蘭州道馳封一品封典平生爲文不尚詞藻在官奉職不喜逢迎常慕包孝肅王陽明之爲政未敢自況也惟性情急直言語鋒棱晚年自知不合時宜循以時局日變乃潛心學問兼求醫理凡仲景丹溪及葉天士諸書罔弗搜討以醫國醫人爲己任宣統二年庚戌年六十九無疾而卒今遼寧建設廳長彭濟羣即其子也

彭桂齡

字香廷城西長溝沿人以禮部右翼漢教習歷署新民懷德等縣教諭

葉長春

鐵嶺縣志

卷十 人物 鄉宦

三十八

鐵嶺縣立第一工科印

字東陽北門外人早登鄉榜工書能文設帳本邑及遼陽高足弟子多登科甲中光緒戊戌進士第七名授工部主事截取直隸州知州在神機營行走庚子卒於京

石立坊

字雲銘城西關人以宗室學漢教習任滿擢直隸深澤知縣丁父憂起復歷任完縣武邑樂亭等縣所至有聲任樂亭時政聲尤爲卓著庚子亂後又復歷充要差并同知府事卒於保定

吳璋

字令如城東關人鳳藻次子鳳藻見鄉賢卷璋英年穎秀應童試值忠愍公延茂提督奉天學政拔冠軍深器重之光緒己丑科順天鄉

試中式年僅二十一闡藝傳觀老成首肯甲午後李公秉衡巡撫山東聘佐幕府俄人借奉吉黑三省地修築鐵路李公上疏抗議文出其手淋漓痛切讀者痛之旋歸里復歷吉林黑龍等處要差以直隸州知州署龍江府知府卒於官平生著作援筆立就馬工枚速兼而有之惟不甚愛惜家鮮存稿丁父憂時寓銀岡書院修縣志未成其考核詳實繼纂者頗賴焉性孝友歷官所得廉俸悉奉頤養士林重之

楊祖榮

字振先城東何家屯人以光緒丁酉科優貢生朝考一等授職知縣歷署直隸熱河灤平府事因病告歸卒於籍工詩能文其書法迥秀

鐵嶺縣志

卷十 人物 鄉宦

三十九

鐵嶺縣立第一工科印

世頗重之

倪信臣

字全武北關人以附生考取臚錄議叙通判分發湖北歷充要差並署咸寧縣擢府同知未履任武昌起事解組歸卒

宮兆甲

字乙青城南官糧窖人光緒乙酉科拔貢朝考一等授七品小京官晉工部營繕司主事庚子卒於官

于芹

字娘昆邑人以歲貢生需次吉林署濱江縣歷二年調吉林縣歷任十年民情翕然循聲卓著後乞休卒於吉林

鄭逢源

字瀛海邑西關人光緒間以歲貢生官新民等縣訓導

劉書堂

字海清城南官房身人光緒間以禮部左右翼漢教習官蓋平懷德等縣訓導

齊鵬大

字佐周邑南范家屯人天津武備學堂畢業曾充團長卒

彭世祺

字福堂邑東關人熙臣次子曾任江蘇東臺高郵奉天蓋平等縣知事卒

鐵嶺縣志

卷十 人物 鄉宦

四十

鐵嶺縣立第一工科印

林冠華

字鍾甲城內人美國大學畢業曾充四洮路會計科科長卒

常守箴

城內人北京法政學堂畢業曾充北京地方審判廳法官卒

郭明德

邑東撫安堡人咸同間舉人曾任甘肅知縣卒

孟慶典

邑南楊士屯人民國十六年陸軍中將卒

吳德魁

邑西南湯牛泉堡子人家貧力學曾任錦州佐領年八十餘卒

曾紀禮

邑西南拉塔湖人清同治間曾任河南知縣卒

慈國璋

邑西南石佛寺人清乾隆間舉人與遼陽王爾烈爲文字交曾任江南知縣

田芝圃

邑南范家屯人拔貢生曾任廣西知縣卒

陳啓棟

字雲浦邑東大寶山人清咸豐壬子科六十名武舉人丙辰科二十
二名武進士殿試三甲任直隸白石口游擊

鐵嶺縣志

卷十 人物 鄉宦

四十一

鐵嶺縣立第一工科印

李葆廉

字春泉城內人附生候補知府曾充奉天交涉局會辦

李葆眞

字介泉葆廉之弟武進士副都統銜曾充營口漁業局總辦甲午之
役自出資財招募效義營以助守城

魏長林

字蔭軒原籍灤縣人後徙鐵嶺家焉保定軍官學校畢業陸軍少將
曾充旅長民國十八年防俄之役殉難爲國捐軀人皆義之卒後晉
陸軍中將

趙蘭田

字薊圃邑西戴三家子人清光緒己丑恩科舉人壬辰科進士官工部都水司主事

張濟新

字瞻廬原名鼎銘字樹勛邑南牛泉岡子人光緒丁酉拔貢曾任江西上饒縣知縣湖南候補道員民國十年任浙江錢塘道尹十六年任京兆尹十七年任河南省長現任張虎多關監督

劉尙清

字海泉邑西北果子園人清附生奉天法政學堂畢業曾充東三省官銀號吉林永衡官銀號總辦民國十年任黑龍財政廳長十五年任奉天省長十六年任工商部總長現任內政部部长

鐵嶺縣志

卷十 人物 鄉宦

四十一

鐵嶺縣立第一工科印

董春魁

字斗垣城內人清恩貢生考取縣知事曾任吉林濛江葦河等縣知事

孫廣廷

字丹階邑東熊官屯人清附生日本陸軍測繪學校畢業曾充奉天陸軍測量學校校長長春吉林等縣稅捐徵收局長濱江木石稅局長現充濱江稅捐徵收局長

何富元

字惠軒邑南沙坨子人清附生曾充參議院議員任奉天康平縣知事充北鎮縣稅捐徵收局長現充西豐縣稅捐徵收局長

孫佐廷

字仙舫邑東催陣堡人清優貢生北京法政學校畢業曾任天津地方審判廳廳長黑龍江呼蘭龍江等縣知事

于珍

字濟川邑西羅家房身人日本陸軍士官學校畢業陸軍中將曾任奉天警務處處長兼清鄉局長後任第十方面軍軍長北京衛戍司令珍威將軍

吳常安

字清廉邑南珠爾山人曾任奉天臨江縣知事現任法庫縣長

陳奉璋

鐵嶺縣志

卷十 人物 鄉宦

四十三

鐵嶺縣立第一工科印

字徽五邑南小汛河人曾任奉天警務處處長現任安東市政公所

王鐵錚

字劍秋原名文華字博施邑東小白梨溝人日本陸軍士官學校畢業曾任奉天憲兵營長奉軍團長

黃居穎

字夢齡邑西北營盤人奉天法政學校畢業曾任興京縣知事現任黑龍江地方法院推事

那廣輪

達連屯人現任黑龍江參議

劉恩榮

字甲一邑西關人北京法政學校畢業曾任吉林地方審判廳推事
現任遼寧高等法院檢察處首席檢察官

左承先

字紹棠邑東南桑園嶺人北京法政學校畢業現任哈爾濱地方法
院推事

劉一飛

字翼飛原名輔廷柴河北人保定軍官學校畢業陸軍中將曾任旅
長軍長各職現任察哈爾主席

林震青

字啓敷城內人日本陸軍士官學校畢業曾任陸軍部主事

鐵嶺縣志

卷十 人物 鄉宦

四十四

鐵嶺縣立第一工科印

郭毓珍

字聘如邑東關人奉天法政學校畢業曾任通化縣知事現任黑龍
江地方法院院長

于國翰

字一之邑西羅家房身人日本陸軍士官畢業陸軍少將曾任陸軍
部次長現任鴨綠江採木公司理事長

韓雲鵬

字駿程邑西關人保定軍官學校畢業陸軍中將曾任旅長兼鎮守
使

彭濟羣

字志雲邑東關人廣心之子廣心見前法國大學畢業現任遼寧建設廳廳長

劉偉

字佩皋邑西阿吉牛泉堡子人保定軍官學校畢業陸軍中將曾任旅長軍長各職

姚桂馨

字冬馥城內人軍官學校畢業陸軍少將曾任團長

齊世英

字鐵生邑南范家屯人德國大學及日本陸軍士官學校畢業現任政府警備顧問

鐵嶺縣志

卷十 人物 鄉宦

四十五

鐵嶺縣立第一工科印

彭士彬

字毅忱邑西長溝沿人日本陸軍士官學校畢業曾任奉天巡閱使公署副官長營口漁業局局長

孟書元

字紀年邑南楊士屯人奉天法政學校畢業曾任直隸樂亭縣知事馮廣民

字子安邑南催陣堡人北京高等師範畢業曾充奉天教育總會會長現任西豐縣長

申伯勛

字作舟邑東雲盤溝人拔貢生曾任吉林德惠穆稜同江等縣知事

于國輔

字世傑邑西羅家房身人珍之姪曾充京經路糧貨統捐局總辦

于國棟

字亞伯邑西羅家房身人珍之姪曾任直隸省縣知事現充北寧路

段長

于國柱

字石中邑西羅家房身人珍之姪曾任綏稜縣知事

于香

字馨圃邑西羅家房身人曾充少校副官

王朝臣

鐵嶺縣志

卷十 人物 鄉宦

四十六

鐵嶺縣立第一工科印

字幹廷邑南范家屯人曾任團長

王興義

字宜如邑西西貝河人曾充西安稅捐徵收局局長

許文國

字化周邑東雞冠山人曾充洮昂路局長現充北寧路總務處處長

高作人

字作人城內人簡任職存記曾充陸軍第十軍秘書處處長

趙宗城

字制圻邑南下阮家窪子人簡任職存記曾充陸軍第十軍密書

翟希嘏

字潤堂城內人現充遼寧長官公署科長

楊德新

字宣三邑西增盛堡人現任陸軍五十三旅三十團團長

馬國忱

字影俠邑西大青堆子人曾充少校軍需官

史有章

字靜塵城內人奉天陸軍測量學校畢業曾充少校副官

阮振鐸

字叔周城內人曾充奉天公立醫院院長

楊甲先

鐵嶺縣志

卷十 人物 鄉宦

四十七

鐵嶺縣立第一工科印

字彙如邑西羅家房身人曾充第十軍軍醫處處長

彭永祥

字英奇邑東關人北京法政學校畢業現充哈爾濱特別區地方法

院推事

楊中英

邑西孤家子人曾充康保縣長

吳文閣

邑南楊士屯人現充遼寧軍令廳少校參謀

李春雨

字東垣邑南五角湖人奉天法政學校畢業曾任通化縣知事

王恩士

邑西阿吉牛泉堡子人曾任興城縣知事

朱永春

字錦亭邑東雞冠山人曾任懷柔縣知事

吳學禮

字用和邑東關人奉天法政學校畢業曾任遷安縣知事

東荒墾植局長現任
多倫關稅局長

董振麟

字瑞符邑南大蓮花泡人天津法政學校畢業現任商都縣長

陳蘭澧

字伯思城內人曾充省議會議員現任康保縣長

鐵嶺縣志

卷十 人物 鄉宦

四十八

鐵嶺縣立第一工科印

王繼溝

字子博邑東白梨溝人曾任安廣縣長

王繼筠

字育生邑東白梨溝人曾充少校軍需官

劉致中

字鏡涵邑西北果子園人現任中東路地畝處處長

張永年

字瑞軒邑西北果子園人奉天法政學校畢業曾任鐵嶺典獄長現

任中東路印刷科科長

計國用

字迺賡城內人保定軍官學校畢業陸軍少將曾充參謀及直隸軍械處處長

鄭士純

字弘毅城內人奉天法政學校畢業曾任樺川農安等縣知事

常克明

字季高邑南遼海屯人法國大學畢業現充北寧路會計科科长

石成璞

字璽廷邑西英城子人奉天法政學堂畢業現任哈爾濱地方法院

推事

趙鵬第

鐵嶺縣志

卷十 人物 鄉宦

四十九

鐵嶺縣立第一工科印

字夢南奉天法律講習所畢業曾任長春縣知事鎮威上將軍公署政務處秘書京兆財政廳長遼寧省政府秘書長兼任奉天財政廳長

鐵嶺縣志卷

鄉賢

本境昔少居民自胡賈兩大令次第招徠漸臻繁富故此地人民多係直魯晉之祖籍歷久遂成土著嗣以郝公講學知禮義而尙詩書絃誦相聞其間學成致用著績懋勳者已載入鄉官志矣尙論古人必俟蓋棺論定而一意孤行之士落落寡合獨善其身不求聞達其著作言行足以激勵世風矜式閭里者頗不乏人彙爲一編列而舉之

徐元弼

康熙年間生員因郝復陽先生召還時留其宅作書院後被旗丁佔據值郝公之子林爲奉天府尹元弼乃具呈於邑宰焦猷猷輾轉數

鐵嶺縣志

卷十 人物 鄉賢

一

鐵嶺縣立第一工科印

回始退出仍爲銀岡書院實開本邑文教之先河雖籍大府之力又得賢令尹爲之幹旋仍推元弼爲首功惜舊志無徵其事蹟不詳殊爲遺憾

李 鍇

字鐵君號豸青山人又號焦明子明寧遠伯李成梁之後裔康熙年間人父輝祖累官至刑部侍郎見鄉宦志其婦翁爲太傅索額圖時方柄國聲勢烜赫鍇又勳臣後例當得官顧獨遠避之盡以先世產業遺二昆携妻隱盤山買田豸青峰下構草舍雜山畦以耕其貧者授之田無所取乾隆丙辰薦試博學鴻詞以老病辭不就歸歲一至京師一二日即歸人罕見其面詩古奧峭勁自闢門徑著有睫巢集

睫巢後集舍中集及尙史稿行世爲遼東三老之一

戴 亨

字遂堂原籍浙江人自其父徙鐵嶺遂家焉登康熙辛丑科進士出爲山東齊河縣令以抗直不苟合解組去寄居京師家益貧簞瓢屢空晏如也爲人篤於至性然諾不輕有忠孝大節詩宗杜少陵與李錯陳景元稱遼東三老詳見鄉宦志

陳繼興

字曉樓邑人道光間因廩生出保邑童訓導某受賄派保繼興與之抗議訓導某稟憲斥革衣頂遂拂袖入京肄業國子監秋闈中式因磨勘被撤乃毀棄儒冠專以醫名當設帳時出門下者以魏燮均商

鐵嶺縣志

卷十 人物 鄉賢

一一

鐵嶺縣立第一工科印

廣源爲最著

于 浩

邑西曉興屯人性長厚以農起家鄉鄰貧乏之家凡婚喪無資及不能舉火者竭力周卹子民新城進士官刑部郎中詳見鄉宦志次子景新以諸生終孫琇亦以名諸生噪於時人咸以爲厚德之報

于民新

浩之子同治乙丑進士授刑部主事官至郎中民無冤獄充光緒辛丑順天鄉試同考官詳見鄉宦志

李向陽

字曦園邑西南賀家墳人咸豐庚申進士光緒初官直隸滎城縣知

縣政聲大著講讓型仁家喻戶曉罷官歸里教授生徒其門下多知名之士

陳淮

字桐江邑人紀升子紀升詳見鄉宦志學術湛深得其奧要著有槐蔭堂詩集爲人篤於至性與世無競周卹困窮鄉鄰樂道以戶部江南司郎中卒於需次

魏燮均

字子亨號鐵民初居後八里莊後移居紅杏屯咸豐間府學貢生工書法善古文詩詞家貧負笈遠遊多覽名山大川平生所得見於謳歌著有九梅村詩集刑部侍郎銘安慨然出資爲之付梓時邑乘久

鐵嶺縣志

卷十 人物 鄉賢

三一

鐵嶺縣立第一工科印

未重修百數十年之文獻凋零殆盡獨發憤與二三同志搜討甚夥垂成稿燬於火殘篇斷帙考乾嘉以前故事尙多因之青年以授徒爲業後遊於公侯幕府以舌耕終其身然其善書能詩之名邑人無不知者

吳枏

原名鳳鳴字仲培邑東關人道光己亥舉人學品兼優文法清古本境名勝碑記多出其手子元秀原名珩字寶賢拔貢生復中同治間副榜教授多年卒元秀見選舉志

魏廣德

字仁甫邑西楊相國屯人宗室學漢教習授徒爲業士林多出其門

深於易理德容粹然古君子也

趙果

字有爲邑南下阮家窪子人生員性方靛學問精邃時皆攻舉子業果獨探討經義論中庸一書或分五大支或三大支又以費中隱隱中費言天道言人道者釋之愈支離而愈晦塞其實子思述孔子行狀也故首舉仲尼終以仲尼祖述堯舜皆孔子之內聖也中述文武周公及哀公問政又皆孔子之外王也若以天命爲原始以下學爲要終更所以示孔子之道所自來與願學孔氏之門徑耳故以孔子爲主人翁則全書皆成實錄不墜茫茫煙海中其持論多如是年老勤學不倦卒於家堂弟召棠附生蔭棠武生孫宗城附生見儒林志

鐵嶺縣志

卷十 人物 鄉賢

四

鐵嶺縣立第一工科印

魏熙海

字季軒其家世尙詩書熙海性聰穎幼熟諸經尤精算理篤於孝友仲兄成海不幸罹瘋疾晝夜護持衣不解帶及仲兄亡念念不已惜熙海體氣亦弱中年以諸生卒

張履豐

字雨人前八里莊人咸同間附生設帳多年士林稱之弟履泰亦工文蜚聲庠序子鶴賡字青田胸懷磊落學問淵深能詩工畫山水惜皆以不遇卒

王珍

字昆闡遼海屯人恩貢生候補直隸州州判性方靛才高學博於經

史子集罔不精通著作援筆立就惜遺稿鮮存者雖以農世其家然頗小康樂郵貧乏俗以王大爺呼之邑之婦儒無不知有王大爺其人者年登麾臺而終遠近乞人皆持芻帛爭來弔唁

王友雲

字伯卿珍之猶子也歲貢生考取宗室學漢教習教授三年期滿以知縣選用乃無心仕進築近市軒教子姪課生徒一時名士多出其門

吳鳳儀

字韶亭城內人枏之弟也枏見前恩貢生援例候補直隸州州判未歷任與陳左諸君同時經理書院子琦並弟鳳書之子琨以諸生卒

鐵嶺縣志

卷十 人物 鄉賢

五

鐵嶺縣立第一工科印

吳鳳藻

字五樓鳳儀之弟恩貢生直隸河工候補同知性豁達嗜吟咏所有詩文有蕭洒出塵之致如其爲人淡於名利不樂仕進未幾回籍經理書院二十餘年獎勵後學藹然可親士林每以吉人目之長子瓊附生助興學校次子璋舉人仕至黑龍江知府見鄉宦志幻子珍附生

胡鑑清

字鏡泉邑南關人兄佐清勤苦力學早卒鑑清深於經術故其爲文精邃幽深以歲貢生設帳有年其門下甲第不絕性清介平生臨財不苟亦不趨附時勢甘以貧困終其身弟相清歲貢生

于 琿

字式如民新子也民新見鄉宦志叔景新兄玠皆諸生琿弱冠以博士弟子員名著當時光緒間讀書京師因父入廉迴避秋試旋以五貢選授如知未仕卒爲人方輒正直取與不苟有乃父之風

吳元秀

原名珩字寶賢邑東關人副貢生中同治辛酉拔貢授職教諭選房山縣教諭未就家居授徒名士多出其門爲人剛正方嚴勇於任事凡關地方公益之事不辭勞怨必期達其目的而後已年五十餘卒於京師

吳 璋

字令如鳳藻次子文思精敏試輒冠軍少年發解見選舉志及鄉宦志天性孝友盡以祿入供堂上甘旨惟謹惟豐爲官公正廉明卒於龍江府知府任內寅友資其喪以歸

劉東娘

字敬瑚城內人幼貧力學誠樸方輒從邑名士吳元秀張枚齋等遊應童子試以冠其軍入泮光緒十六年縣令陳士芸重整書院月課士子邀任董事力清學欸剔除積弊嗣經榮令禧陳令璋前後邀辦支應保甲各局堅苦任事勞怨不辭地方稱之光緒二十八年因改科舉爲學堂首捐書籍助學者搜討趙令臣翼邀創學堂獨排衆議開本邑風氣之先獎掖後進如恐不及境內學校百數十所多其所

倡尤注重女學親爲訓教及創設工藝場均有成績因私立學校捐款甚難乃首捐銀一千兩迭經東三省總督趙公爾巽錫公良奏加同知銜獎以熱心教育匾額宣統間任奉天高等學堂監督奉天省自治顧問及惠工有限公司總理旋由民選充諮議局議員及臨時省議會議員民國三年因病辭歸仍創辦貧民習藝所爲失業流民謀生計民國四年以積勞成疾卒年六十四弔者雲集

曾憲文

字述堂邑東關人歲貢生初以授徒爲業居心淡泊不慕虛榮光緒年間邑令邀爲銀岡書院董事庚子之亂襄辦保甲支應各局又爲巡警局董事及改設學堂仍爲董事後爲勸學所長民國二年被選

鐵嶺縣志

卷十 人物 鄉賢

七

鐵嶺縣立第一工科印

爲省議會議員民國八年被選爲第二屆衆議院議員爲人剛正風裁卓然遇事不苟阿附居鄉辦理地方公益維持地方經濟創設地方儲蓄會時人稱便

齊鵬兆

字廷颺邑南范家屯人爲人和順慈祥其鄰村有互訟者累年不決鵬兆出爲仲連極力排解舌敝唇焦糾纏不已鵬兆自出資財爲之解紛而不令其人知也民國十二年以疾卒十四年縣令張光亞爲之勒石於村北書其事以誌其行誼

儒林

儒林以何爲準乎山林隱逸之士道行高潔者已載入鄉賢志矣其以前舉貢以上及各大學畢業之人已載入選舉志矣無庸贅錄經術專家世不多覩章句之徒儒者輕之然亦風氣使然無已惟有以前代之諸生爲準彙爲一目散漫難稽儘多遺漏識者諒之

儒林

已卒之諸生

舉貢以上另見選舉志

孫 榘

字麓樵邑人諸生

羅繼謨

字巖旭邑人諸生

邢為樞

字環生邑人諸生

左暉生

邑人諸生

左昕生

邑人諸生

左昭生

邑人諸生

左曉生

邑人諸生

左昀生

邑人諸生

左喆人

邑人諸生

鐵嶺縣志

卷十 人物 儒林

一一

鐵嶺縣立第一工科印

左準人

邑人諸生

按諸左皆明吏部稽勳司郎中左懋泰之子若姪原籍山東萊陽徙鐵嶺遂家焉暉生與昕生文名尤著同董孫羅邢諸人共成縣志惜僅兩冊太涉簡略殊難詳考復從郝復陽先生遊捐資助修銀岡書院懋泰見寓賢志

戴巡先

邑人諸生

戴盛先

邑人諸生

按諸戴皆戴亨之裔戴亨見鄉宦志餘戴見選舉志

尙廷伸

邑人諸生

陳 密

字曉樓工書法邑人附生

孫進祿 字錫三城南大鮑家岡子人以承德縣籍入泮

涂迺濟 字柳溪邑西蔡家壩人附生

姜海藩 字紫垣邑東關人附生

任鍾嶽 字香陔工寫生城東南會試屯人附生

曾紀業 邑西關人附生

趙果 字有爲邑南下阮家窪子人附生詳見鄉賢志

石汝霖 字雨人邑西關人附生家居教授

石聯雋 字春圃汝霖之姪附貢生亦設帳授徒庚子之亂俄兵

入境襄辦保甲局維持地方

張履豐 字豫齋邑南八里莊人生員文名籍甚詳見鄉賢志

鐵嶺縣志

卷十 人物 儒林

三

鐵嶺縣立第一工科印

曹儀 字乙堂邑南八里莊人廩貢生

李夢花 字香亭邑東黃金屯人增廣生教授多年

袁椒圃 邑東大甸子人附生屢就西席通韻學

羅尙霖 字潤周性方颯父早棄世事母以孝聞教授多年師嚴

道尊

左聯甲 字魁軒左懋泰之裔附貢生經理書院

鄭培文 字械書邑東關人附貢生書院董事

楊松年 城南後八里莊人附生

曹坤 字子厚城東太平寨人增廣生員性寬和教授多年

張尙德 字藹軒城北下塔子人附生教授有方

郭明韶 城東柴家堡子人附生家居教授

張育德 字疊三城東三家子人附生

劉福盛 字全武城南後八里莊人附生

王子經 城西南驅牛屯人附生

劉潤 字雨亭城東貓崖子人附生

侯振國 邑人附生

張桂馨 字月亭城東南桑園嶺人附生文名甚著

張贊元 字子襄父簡見孝義志兄其志苦學未遇卒贊元性梗

介學有淵源以附生家居教授

劉漢書 字旭東邑東關人甫入泮即卒

鐵嶺縣志

卷十 人物 儒林

四

鐵嶺縣立第一工科印

孫振東 字春軒邑東南催陣堡人附生

常國清 字月軒邑東關人附生

高鳳岡 字玉泉邑人附生

臧其謀 字鶴田邑南黑牛圈子人附生後官典史

常國輔 字鈞衡國清之弟附生文名素著善繪事爲八大山八

派子郁堃俗生亦有文名卒

彭熙臣 字敬亭邑東關人附生詳見鄉宦志

彭英甲 字鼎林號丙庚熙臣之弟附貢生仕至甘肅布政使詳

見鄉宦志

彭錫庚 字佐清英甲之族人附生爲鐵嶺商務會長多年卒

劉羹梅 字夢岩邑南大汛河人附生卒

吳啓昆 字裕青邑東關人附生曾任義塾教習早卒

吳啓季 字俊青啓昆之弟甫入泮即卒

倪用極 字子修邑北關人沈著力學中年入泮設帳多年卒子

信臣見鄉宦志

孫 鏐 字耀堂廩貢生文思沈著與監察御史鄧慶麟爲莫逆

交在京幫辦摺奏回籍教讀年七十力學不倦卒

周文煊 字耀堂邑西大台村人青年入泮移居城內設帳多年

後出歲貢卒

李蔭階 字雨辰邑北關人附生卒

鐵嶺縣志

卷十 人物 儒林

五

鐵嶺縣立第一工科印

齊海藩 字東垣城南范家屯人附生授教官未抵任卒

齊維藩 字介臣海藩之弟附生卒

馬維乾 字子建范家屯人附生卒

張應辰 字普庭以附生考取漢教習家居教授卒

張希齡 字仲岐邑東關人附生性情長厚邑人稱之光緒末年

卒遺囑捐東錢一萬緡創立東關女子師範學校

王培元 字蔭普邑南遼海屯人家貧無力求學依外祖王珍發

憤勤讀入泮終以貧未與秋試以課徒老卒

楊聯桂 字輔廷城東崔山屯人附生家居卒

吳鳳德 字雨琴東關人鳳藻之兄附生卒

孫壽泉 字介眉城西古城子人附生工詩卒

吳琦 字筱亭東關人附生卒

王恩溥 字莫生邑南遼海屯人附生卒

吳琨 字潤樸東關人附生卒

劉明安 城西木廠人附生卒

劉來祥 字如九河西木廠人附生卒孫紹唐見實業志

金汝礪 字洗鋒邑東關人附生工繪事卒

劉漢書 邑東關人附生早卒

傅可均 邑東南崔山屯人附生卒

張保元 字愷然城南新屯人附生卒

鐵嶺縣志

卷十 人物 儒林

六

鐵嶺縣立第一工科印

張啓元 字紹文愷然弟附生卒

吳克謙 字彩亭克讓之兄附生卒

吳克讓 字耀堂邑東催陣堡人移居城內附生卒

張錫齡 字與九邑西江家屯人附生文名籍甚屢試冠軍光緒

三十三年卒士林深痛惜焉

張連陞 字級三增生歲試屢列一等文思英敏停科舉後熱心

辦學與同村士人同創大青堆子兩級小學校及女學身任城內中學教員頗著成績民國元年卒

王德昶 字子襄邑西北果子園人附生家貧力學舌耕自給後入奉天法政學校畢業列優等任法庫廳總務科長又奉天工務總

會聘爲文牘員民國三年卒

高 鎮 字玉卿柴河北人後移城內附生力學不倦卒

葆 廉 字春泉城內人附生卒詳見鄉宦志

吳 璦 字筱樓邑東關人附生卒

王秀山 邑南大汎河人附生卒

陳慶芳 字毓英邑西關人附生卒

平其心 字潤亭邑東關人附生教讀爲業循循善誘及設學校
任女學教職多年卒

李芳辰 字先春城內人附生卒

王如山 字峻峯城南大孤家子人附生卒詳鄉宦志

鐵嶺縣志

卷十 人物 儒林

七

鐵嶺縣立第一工科印

蕭國璋 字蘭田邑西關人附生卒

郭毓奇 字文卿邑東關人附生卒

李毓琳 字潤身邑東關人附生卒

劉鳳池 邑東韭菜峪人附生卒

趙召棠 字化安邑南下阮家窪子人附生卒

許振聲 字甲三邑西許家窩棚人增生卒

才俊臣 邑西三台子人附生卒

李春新 字鼎臣邑西蔡牛泉堡子人附生卒

現在之諸生

舉貢以上及大學畢業者另見選舉志

趙方嘏

字炳如城內人附生學有根抵授徒爲業出其門者甲

第不絕

孟昭襄

字贊廷邑西孟家溝人附生

劉煥書

字西山邑西興隆屯人附生

王佐才

字聘三城內人附生

劉尙清

字海泉邑西北果子園人附生現任內政部長詳見鄉

宦志

孫佐廷

字仙舫城南催陣堡人附生詳見鄉宦志

孫廣廷

字丹階邑東熊官屯人附生詳見鄉宦志

鐵嶺縣志

卷十 人物 儒林

八

鐵嶺縣立第一工科印

林震青

字啓敷城內人附生詳見鄉宦志

趙宗城

字制圻邑南下阮家窪子人附生

趙裕慶

字咸中邑南山咀子人附生

李向春

字景陽邑西大孤榆樹人附生曾充教育公所所長

張佩文

字韻軒邑西張糖房人附生

秦錫藩

字紹先號介人邑南關人附生

吳 珍

字聘卿邑東關人附生

秦之藩

字錫清邑南關人附生

石鈞衡

字介福邑西關人附生

金化見

字海樓邑東關人附生

高尚志 字向廷 邑東新墳人附生

尙其志 字渭舫 邑東關人附生

石之璋 字蘊如 邑西關人附生

張嗣良 字文樸 邑東南桑園嶺人附生

楊紹芳 邑南大八里莊人附生

邢紹庚 字子長 城內人附生

富元 字惠軒 邑南沙坨子人附生 詳鄉宦志

孫贊廷 字子襄 邑南懿路人附生

常郁棟 字順如 邑東關人附生 現充商務會長

傅銓 字選三 城內人附生

鐵嶺縣志

卷十 人物 儒林

九

鐵嶺縣立第一工科印

裴有功 字敏齋 邑西興隆屯人附生

忠節

忠之爲言誠也盡己之謂忠孔子曰爲人謀而不忠乎是對於人倫之內莫不宜然後竟專就君臣而言其義狹矣生今之世處今之時對於國事對於人羣當無不竭忠守節清操凜然時勢雖有轉移而精忠亮節今古同欽決不能僥倖功名苟且富貴茲擇忠於國事之人彙錄成目至於節婦以曾經旌表或受褒揚者爲斷

忠臣

金

瓜爾佳守中

舊作夾谷守中咸平人大定二十二年進士歷通遠軍節度使至寧末移彰聖軍未行夏兵數萬人入鞏州守中禦之兵少不能支城陷不屈夏人載之而西至平涼要以招降附人守中佯許至城下呼曰外兵矢盡且遁矣慎勿降夏人交刃殺之詔贈資善大夫東京留守以其子鄂摩爲筆硯奉承

舒穆魯元毅

舊作石抹元毅咸平路穆昆人爲大理知法省錄陝右五路刑獄無

鐵嶺縣志

卷十 人物 忠節

一一

鐵嶺縣立第一工科印

冤人復委受宋幣故事有私遺物元毅一無所受明昌初爲汾陽節度副使時石嵐賊黨嘯聚元毅滅之全境以安遷同知武勝軍節度使有疑獄久未決一訊即服河東北路田多磽瘠大比時定爲上賦民多困乏元毅以三壤平之民賴其利歷遷撫州刺史會邊境賊寇大起從史戰死事聞贈武信將軍召用其子世勣

舒穆魯世勣

舊作石抹世勣字景略幼勤學爲文有體裁承安二年以父元毅死王事得廕爲承摯官五年登進士貞祐三年累官爲太常丞時朝廷徙河北軍戶河南議給以田世勣上言荒閑之田及牧馬地其始耕懇費力當倍一歲斷不能熟若奪民素蒔者與之則民將失所上大

悟乃罷之正大中爲禮部尙書天興元年冬哀帝北渡世勣從行明年六月走蔡州授其子蒿應奉翰林文字以便養親城破父子俱死於難蒿字岐隆定興二年經義進士

納喇綽奇

舊作納蘭綽赤咸平路雅哈河明安人契丹瓜里使人招之不從以兵據改渡口賊月餘不得進旣而瓜里兵大至遂見執鬻而殺之贈官而級二子皆得廕叙

圖門色埒默

舊作陀滿斜烈咸平路明安人襲父職承安中討契丹有功歷遷保大軍節度使徙知彰德府事貞祐四年元兵復取彰德埒默死之

鐵嶺縣志

卷十 人物 忠節

三

鐵嶺縣立第一工科印

鈕祐祿資祿

舊作女奚烈資祿咸平府人本姓張氏泰和間與宋戰從軍有功授同知通遠軍事興定元年官西寧州刺史賜以姓五年授隴安軍節度使救鄜州兵敗不屈死之贈銀青榮祿大夫

明

李如松

寧遠伯成梁長子也萬歷間張居正當國推選名將是時成梁與戚繼光齊名而武功較戚爲多得封伯世襲五子俱膺節鉞如松居長智勇尤爲傑出萬歷間寧夏哮拜父子合劉東陽倡亂命如松討之如松先登入城功第一會日本攻陷朝鮮上命宋應昌爲經略應昌

舉如松爲征東提督奮勇先登日本驚走半載之間連平大寇威名甚著萬歷二十二年四月土蠻寇犯遼東如松率輕騎遠出搗巢中伏力戰死帝悼惜令具衣冠歸葬贈少保寧遠伯立祠諡忠烈

按如松事蹟頗繁已於鄉宦志中節錄明史本傳矣茲不贅錄

李克忠

成梁之裔以游擊守鐵嶺萬歷四十七年死綏

李如梃

成梁之姪萬歷四十六年清陷撫順明年陷開原鐵嶺如梃家居死焉

李如梓

鐵嶺縣志

卷十 人物 忠節

四

鐵嶺縣立第一工科印

李如榛

李如檜

李如櫻

李一忠

以上五李同時殉難

李尊祖

如松之孫襲寧遠伯世爵居京師崇禎甲申之變殉難清乾隆四十四年諡忠愍

清

李懋祖

順治初以貢生授平度州知州擢湖廣兵備副使護廣西巡撫事六年何騰蛟圍城九月城破懋祖及子庭賡死之贈光祿寺卿

金世礪

維城第二子初任佐領康熙十七年隨平南大將軍征福建擊敗台兵於江東橋十八年台灣將劉國軒率衆萬餘犯彰州世礪督兵進戰中流矢歿賜卹予雲騎尉世職雍正七年入祀昭忠祠

按世礪係明千總金玉和之孫玉和因開原失陷降清後與流賊李自成戰死焉而舊志竟因玉和死事將玉和事蹟載入忠節志中蓋玉和既有死於國事之心何以不死於明而獨死於清顯係二臣故本志置而不錄

鐵嶺縣志

卷十 人物 忠節

五

鐵嶺縣立第一工科印

高天爵

字君寵鐵嶺人順治四年由貢生除知高苑縣再擢知長沙府調江西建昌府廣昌山賊王昂傅勝等既降復叛官軍擒之斃於獄餘賊據羊石滴水二砦老巢固負抗拒天爵與巡道張永順討平之事聞得優叙康熙十三年遷兩淮鹽運使未行值耿精忠之變天爵曰建昌不守則南昌危困因請兵自將防其西出募壯丁繕城垣躬擐甲胃與敵戰被執不屈死贈太僕寺卿諡忠烈雍正四年加贈禮部尙書追賜卹典七年入祀昭忠祠

李向舜

鐵嶺人其先世屢立戰功授世職二等參領向舜亦官參領順治元

年從征歿於役

李向日

向舜之幼弟官遊擊康熙十四年從征湖廣省城被圍竭力捍守城陷罵賊不屈死

李向禹

順治五年由貢生任山西陵川縣知縣姜瓖之亂妻王氏謂向禹曰君職守土宜竭力報國勿以家爲念向禹領之率家僮出禦敵城破闔門死之贈光祿寺少卿

李向堯

向禹之長兄任山西助馬路參將姜瓖之亂闔門殉節贈左都督僉

鐵嶺縣志

卷十 人物 忠節

六

鐵嶺縣立第一工科印

事入祠忠烈祠

李成功

邑人順治乙丑科武進士任參將隸湖廣鎮劉進忠麾下康熙十三年耿精忠叛密授僞職成功謀於于國璉共誅之事泄被執不屈死事聞贈驃騎將軍

鍾尙勇

世居鐵嶺以四川馬湖之役陣亡贈雲騎尉

節婦

明

顧澄妻楊氏

鐵嶺衛人澄故遺腹三月產一男誓不適甘貧撫孤卒年七十九入本邑節孝祠

李如挺妻羅氏

時如挺家居萬歷四十七年清兵陷鐵嶺舉家殉難氏亦與焉

李如梓妻林氏劉氏

李如榛妻李氏

李如稷妻鄭氏

李如桂妻鄭氏

李存忠妻熊氏

李鼎忠妻董氏

鐵嶺縣志

卷十 人物 忠節

七

鐵嶺縣立第一工科印

以上均與如挺妻同時殉難

李憲忠妻張氏

萬歷中憲忠爲遼東總兵中軍戰死氏殉之

李純忠妻宿氏

純忠官京師聞闖亂陷城殉難氏從之

李遵祖妻宋氏

遵祖隨任京師甲申殉難氏從之

清

李向禹妻王氏

順治五年向禹任陵川令姜瓖之亂謂禹曰君職守土宜竭力報國

無以家爲念向禹頷之率家僮出爲禦敵計氏自縊二女從之城旋破向禹亦死焉

張學而妻唐氏

張病故奉舅姑育幼子曲盡孝慈後值荒歉有謀奪其志者唐即欲自盡奸謀遂息卒完名節入祠

張世玉妻王氏

年十六歸世玉三月而寡誓不再適奉孀姑十餘年生養死哀允稱節孝入祠

李四晒妻孟氏

幼適李姓姑患蠱症氏侍湯藥晨昏不離姑歿夫亦故獨舅在堂又

鐵嶺縣志

卷十 人物 忠節

八

鐵嶺縣立第一工科印

頻值荒歉遂有謀娶之者孟以死誓終不渝入祠

張國良妻馬氏

夫歿子弱家貧無倚氏針黹度日守志不移
以上皆雍正四年請准旌表

孫貳妻馮氏

夫亡撫孤誓不改醮入祠

鄭天榮妻狄氏

夫亡無嗣守志終身入祠

李廷棟妻劉氏

夫歿撫孤終身苦節入祠

鞏尙友妻張氏

夫早歿孝翁姑撫幼子終不改適入祠

鞏尙義妻李氏

皦日明心撫孤完節入祠

多倫泰奉汪氏

旗人汪訓之女適領催王筠長子多倫泰逾四年道光二年七月夫暴疾適歸甯聞耗馳至未逾刻而夫歿悲痛之極以不得侍疾爲恨遂自縊以殉四年建坊驛路左側俗名五里碑子入祠

羅文明妻吳氏

性端淑嫁甫一年夫病歿氏年方二十誓不二志以無嗣撫夫兄之

鐵嶺縣志

卷十 人物 忠節

九

鐵嶺縣立第一工科印

子爲子善教育卒成名士即暉也有詩集傳於世氏尤節儉慈惠鄉里稱賢卒年八十一入祠

貞女李二格

邑西鎮西堡人李文美之女性貞靜貌端淑及笄未字一日父母外出惟嫂伴居時有織工某藝其家窺女美欲亂之而無間伺女入厠尾逼之女厲聲拒之嫂奔視已刃女倒地某懼事泄並殺其嫂事聞於官抵某以罪乾隆四十年女旌表入祠

曾坤榮妻張氏

夫被水淹歿聞耗即欲投水尋尸宗族責以大義乃止其事親撫孤孝慈兼盡請旌入祠

任傑妻張氏

城東北遞運所人母家椴木嶺子道光間氏年二十一歲一日遇強暴持刀逼女姦氏堅拒厲罵賊怒戕之入祠

孫玉振妻石氏

邑西關人也道光間年十九適河夾心孫氏與玉振結婚而玉振病卒氏年僅二十三矢志守節事翁姑至孝同治元年翁姑相繼歿氏已五十餘歲矣十三年邑人代爲請旌建坊於河夾心村西

劉廷璽妻高氏

劉漢吉妻高氏

鄧升吉妻李氏

鐵嶺縣志

卷十 人物 忠節

十

鐵嶺縣立第一工科印

趙琦妻韓氏

性幽貞寡言笑夫歿守志不渝乾隆四年旌表

周萬榮妻郝氏

夫歿哀毀骨立以死自誓食貧守志克全孝節

王維煥妻張氏

夫歿氏以針黹易衣食甘貧守節操勵冰霜

陳亮妻鞏氏

夫歿氏辛勤荼苦鄉里重其貞操

常成龍妻王氏

青年守節每遇歲時必哭祭其夫數十年無間遠

近賢之

郭廷鈞妻王氏

陳鑑妻張氏

郭廷振妻趙氏

郭林桂妻王氏

吳鳳翔妻劉氏

衣 忠妻于氏

張永吉妻仇氏

彭 溫妻蘇氏

楊有年妻田氏

鄧廷功妻祖氏

劉連勛妻李氏

李廷椿妻王氏

鄭之敏妻商氏

張 義妻劉氏

鐵嶺縣志

卷十 人物 忠節

十一

鐵嶺縣立第一工科印

李 藩妻朱氏

王世敏妻許氏

崔富榮妻劉氏

王英才妻趙氏

劉佩榮妻李氏

張德元妻劉氏

王汝賓妻董氏

城東催陣堡崔珥之長女道光間年十九適城南遼海屯王汝賓即

王作周爲室汝賓已患咯血氏侍湯藥晝夜無倦容汝賓病卒哀毀

幾絕經數救得生以數月新婚立志不奪同治元年年四十餘乃以

夫弟之子豐爲嗣教養兼至撫如己出十二年經禮部奏請旌表入祠建坊於村北驛路之左側苦心守節已逾三十五年矣復逾十餘年七十餘以壽終

孫 珩妻姜氏

張國良妻馬氏

劉耀綱妻王氏

溫克勤妻楊氏

高進福妻任氏

商廣濟妻麻氏

馬兆麟妻石氏

鐵嶺縣志

卷十 人物 忠節

十一

鐵嶺縣立第一工科印

張嗣榮妻陳氏

城南樹芽屯陳玉美之女于歸數年夫病歿氏水漿不入口者十日卒以殉夫可謂烈矣光緒三十二年請准旌表入祠

劉廷璽妻高氏

城西興隆屯人夫死教養孤子明仁成立同治間以年例相符請准旌表入祠建坊

劉繼綱妻王氏

城西劉家窩棚人夫死子紹周紹言俱幼氏守節教養成人長子紹周奉天警務及陸軍憲兵科畢業次子紹言奉天工業學校及法政法律科畢業皆歷充差務前以年例相符請旌入祠

以上四十一人皆入祠

吳 瑛妻石氏

邑東關人年十九于歸二十一夫歿無嗣撫其夫兄之子桂芬爲子
即今之電話局長也

王董氏

孫氏

楊德保妻張氏

氏防禦張振聲之女幼嫻閨訓年十七歸德保四載夫歿無子撫伯
氏子向榮爲子氏上事孀姑下教繼子年六十以壽終建坊於邑之
東山口

鐵嶺縣志

卷十 人物 忠節

十三

鐵嶺縣立第一工科印

王氏

邵 氏

趙蘭田妾李氏

夫官主事隨夫在京值光緒庚子拳匪肇禍氏與于趙氏同殉

于珍妻趙氏

工部主事趙蘭田之女庚子入都省親聯軍入京都城失守氏恐遭
污仰藥以殉

以上均建坊未入祠

楊明妻汪氏

咸豐間人于歸十五年伉儷甚得翁姑早喪又無子女夫年三十四

卒氏哭幾死迨七日夜間仰藥以殉事見九梅村詩集

王吉瑞妻梁氏

城東白梨溝人年十七適吉瑞歷十九年而夫卒遺子女各一家赤貧不能生存親友勸其再醮翁姑尤逼迫之皆置若罔聞惟倚針黹爲生計嘗臥病不起仍復手不停工奉翁姑終老嫁女及爲子娶婦光諸間年四十七卒請准旌表

李遠山妻張氏

年十七于歸三年夫歿矢志守節事孀姑撫遺孤年七十餘卒光緒丁酉經邑紳于民新等請准旌表

李德昌妻劉氏

鐵嶺縣志

卷十 人物 忠節

十四

鐵嶺縣立第一工科印

年十七于歸數年夫故家貧苦志守節光緒丁酉經于民新等以年例相符請准旌表

李克勤妻涂氏

于歸二年夫故無子以天之堂姪爲子撫若親生母家有勸其改適者厲辭絕之勤儉持家亦于光緒丁酉經于民新請准旌表

以上尙未建坊

常郁堃妻李氏

郁堃字保如以侷生勤學攻苦年弱冠嘔血亡氏痛不欲生仰藥以殉

烈婦陳氏

城西范家窩棚人光緒庚子之亂馬賊四擾婦時村居家無男子賊欲至污之氏力拒而厲罵之賊怒以銃射之彈丸貫腦而死

烈女無名氏

同治五年馬賊焚劫開原之下肥地竄鐵嶺城東房身陽掠一少女年可十六七賊暱其美欲污之女怒罵見殺復以藥灼其面使莫能識棄之去鄉人葬於河側見九梅村詩集嗚呼烈矣

金烈女

城南遼海屯人金永瑩之女同治之季女年十餘歲幼嫻閨訓值歲杪家失錢票六緡事極微細家衆以女得母歡心素嫉之遂謠諑羣興謂錢票爲女所竊女性素激烈即時服毒殞命家長乃察悉女之

鐵嶺縣志

卷十 人物 忠節

十五

鐵嶺縣立第一工科印

負冤真情不忍窮究以置不孝子孫於法特厚殮女屍爲之勒碣誌哀吁女以童年視名譽重於生命世有譏爲溝瀆之諒恐以開貪墨敗名者僥倖之門也

貞女金郭氏

邑西苗家莊子人許字邑西六十里高麗屯農人金殿發殿發年十九病故時女年二十二聞喪奔赴衰絰成禮留事翁姑克盡婦道女父憫女青年守貞欲奪其志而擇嫁顯族女以死自誓遂以夫兄之子祥爲嗣歿後世無間言

孫魏氏

楊相國屯魏廣俊之女適孫家窩棚孫貴於同治間病故氏年二十

六有一女尋殤慨然曰某雖婦人幼稍讀書聞黃鵠常獨宿禽鳥如此况人乎命之如此惟安之耳乃繼亡夫之志孝事翁姑養生送死無或少懈以夫兄之子煥立爲嗣不幸亦早妖艱苦益甚與幼孫相依日爲之陳說道義年七十餘歿

劉夢松妻王氏

邑西夏家樓人王吉慶之女同治間適本村劉夢松夢松年二十四病卒氏與同庚子女俱無守節不渝曲承翁姑意旨以夫弟子承緒爲嗣年七十餘歿

丁廣增妻高氏

邑南諸民屯人年十七歸丁氏相夫勤讀二十一歲其夫積勞嘔血

鐵嶺縣志

卷十 人物 忠節

十六

鐵嶺縣立第一工科印

病故氏撫姪爲嗣奉姑盡孝且能撫育夫弟主持家政辛苦備嘗鄉人咸矜其節至光緒八年請准旌表至今鄉里猶稱頌焉

自首至此皆係依照舊志鈔錄

張義妻劉氏

邑西小江家屯人少年夫歿守志多年年例相符道光十四年四月請准旌表建有石坊

張德元妻劉氏

邑西小江家屯人夫早卒矢志不渝年例相符請准旌表光緒三十二年四月建立碑坊

鄭劉氏

邑西北大孤榆樹人其夫早歿無子守節五十三年年例相符請准旌表其家赤貧無力建坊

李劉氏

邑北高麗站人守志終身年八十八歲告終請准旌表

李景祥之母

邑東屠家樓子人夫早歿氏撫孤守節年例相符請准旌表建有石坊於村北

董德成妻任氏

邑東催陣堡人夫故守貞家貧撫孤至七十餘歲卒民國十六年呈請褒揚奉准入祠建坊建有石坊於村西

鐵嶺縣志

卷十 人物 忠節

十七

鐵嶺縣立第一工科印

張高氏

邑東催陣堡人建有石坊

李逢時妻錢氏

邑南大汛河人年二十二歲夫歿無嗣以夫弟之子長昫爲子年七十四歲卒氏矢志不渝持家教子賢聲著於鄉里民國十三年請准褒揚蒙大總統賜節著松筠匾額

吳毓南妻金氏

邑東催陣堡人二十五歲夫故無嗣以其姪兆麟爲嗣氏守節三十餘年請准褒揚蒙賜臺峻懷清匾額

沙永福妻張氏

邑南沙長溝沿人二十九歲夫故撫孤育子持家應世罕有其匹由寒素而臻富厚皆氏一人之力也年八十三卒子起廣爲之請准褒揚

祝金箱妻孫氏

邑西阿吉牛泉堡子人年十九于歸二十一而寡無嗣以其姪恩深爲子民國八年恩深爲之請准褒揚蒙大總統題賜節列松筠匾額氏系出西古城子孫氏附生孫壽泉之堂妹壽泉見儒林志

石興雲妻魏氏

城內人年十九而夫歿矢志不渝至七十五歲卒民國十一年援例請准褒揚蒙賞給節著松筠匾額

鐵嶺縣志

卷十 人物 忠節

十八

鐵嶺縣立第一工科印

李文繁妻辛氏

邑東小屯人夫在奉天充馬甲早故氏年二十七矢志守貞至民國始請准褒揚入祠建坊

孫殿陞妻于氏

邑南范家屯人適撫寧縣商人孫殿陞年二十四夫故氏殮葬畢仰藥以殉呈請旌表賞銀三十兩建碑於路北

王珍妻彭氏

邑南懿路人氏年二十五夫歿守節三十餘年至宣統三年請准旌表民國十一年建坊於村北路旁

王文炳妻楊氏

二十二歲夫故守節五十餘年民國六年請准褒楊入祠建坊蒙賜
抱淑完貞匾額其子王振正擬爲其母建坊

王銘瑄妻郝氏

邑南孤家子人二十三歲夫死守節請准旌表建有石碑於村西

吳紀祿妻蔡氏

邑南楊士屯人年二十七夫死守志不渝光緒初年請准旌表建坊
於村西

柳正發妻孟氏

邑南瓢酪屯人年二十八夫故守節至八十歲卒請准旌表光緒七
年建坊於村東

鐵嶺縣志

卷十 人物 忠節

十九

鐵嶺縣立第一工科印

張成德妻張氏

邑東撫安堡人氏年二十八夫故守節四十餘年請准旌表立有石
坊於村西今已傾圮氏無子以其姪一新爲子

張巨棟妻郭氏

邑東撫安堡人氏甫于歸夫從征髮亂村人周某同往出征巨棟戰
歿時氏年二十九歲矢志不嫁逾三十餘年請准旌表建坊於村西
今傾圮矣後周某負巨棟之骨以歸並携巨棟之遺衣數事氏始信
陣歿者乃眞其夫也

郭王氏

邑東撫安堡人立有節孝碑於村東碑跡模糊殊難辨識

蘇得泮妻馬氏

邑東馬耳山人氏係蘇地溝馬成文之女十九歲于歸二十歲夫死氏守節不渝六十八歲逝世請准旌表光緒二十四年建立石坊於村西

那佩璽妻張氏

邑南汎河站人旗人本姓卜氏年二十一夫歿守節三十餘年矢志靡他請准旌表光緒二十二年建坊於村北

田寶慶妻王氏

邑西田家窩棚人氏幼喜讀書性貞潔年二十三適寶慶爲繼室逾二年夫死夫之前妻遺女三人無子以姪益豐爲嗣待如己出守節

鐵嶺縣志

卷十 人物 忠節

二十一

鐵嶺縣立第 工科印

多年無厲言無怨色三女出嫁氏舍己裝奩作成嫁資毫無吝容迨生 孫鴻海氏待之有恩逾於親生鴻海七歲入

塾讀書習字親手養育今鴻海充遼寧公安局科長藉其祖母教養之力爲多請准旌表

傅景榮母李氏

邑西雙樹子人二十一歲夫亡守節終身請准旌表立有石碑
孫衍妻姜氏

邑東黃金溝人年十八夫歿守志不嫁請准旌表建有石坊於村外
張高氏

邑東上八家子人青年守節矢志不渝請准旌表建有節孝石坊於

村外

馮德舉妻王氏

邑南新興堡人清同治間夫故守節年例相符請准旌表尙未建坊
王趙氏

邑南新興堡人年甫三十夫故守節年例相符請准旌表建有節孝
石坊

吳王氏

邑南楊士屯人青年夫故守志不渝年例相符請准旌表建有石碑
於村西

劉張氏

鐵嶺縣志

卷十 人物 忠節 一二十一

鐵嶺縣立第一工科印

邑西南瓢起屯人年十八夫歿守節至七十餘歲而終年例相符請
准旌表建坊於村北柳家坎其坊文有云矢志靡他事親盡孝洵巾
幘之完人宜與忠烈並褒矣

修永德妻張氏

邑東南上未台冲人青年夫故矢志守節年例相符請准旌表建有
節孝石碑

劉萬財妻李氏

邑東南八大窰人二十三歲守孀四十餘年請准旌表
馮自顯妻聶氏

邑東南三岔子人自二十七歲守孀至六十七歲歿年例相符請准

旌表

焦純泰母佟氏

邑東南三岔子人青年夫故守節四十年年例相符請准旌表

王焦氏

邑東南三岔子人青年夫歿事姑守節矢志靡他至三十餘年年例相符請准旌表

杜兆賡妻薛氏

邑東南白梨屯人年二十三夫歿氏性貞志烈守節撫孤教子有方至五十三歲而終請准旌表

康忠先之先人

鐵嶺縣志

卷十 人物 忠節

一一二一

鐵嶺縣立第一工科印

邑西烏巴海康忠先之先世由十八歲夫故守節終身建有石坊大約文字模糊難於辨識

張連甲之先人

邑西黃家窩棚張連甲之先世青年守節建有節孝石坊於村外

王閻氏

邑西西貝河有王閻氏節孝石碑其詳不可考

孫富隆母石氏

邑西西古城子人青年夫故守志終身光緒四年請准旌表建有石坊額曰節懷冰霜

高萬才妻楊氏

邑東大寶山人二十而寡守志撫孤始終如一年逾七十而終請准旌表

張永德妻王氏

城內人于歸四載而夫歿守志終身民國十五年請准褒揚蒙賜貞松比操匾額

朱泰妻曹氏

邑東柴家堡子人青年夫歿守節三十餘年請准旌表

郭性善妻汪氏

邑東柴家堡子人青年夫歿守節至七十餘歲年例相符請准旌表

党廣有妻陳氏

鐵嶺縣志

卷十 人物 忠節

一二十三

鐵嶺縣立第一工科印

邑東柴家堡子人青年夫歿守節四十餘年年例相符請准旌表

任氏女

邑西南湯牛泉堡子任氏有女性近禪宗茹素讀經誓不嫁人事父母以孝聞待兄弟以友稱尤善撫育其幼弟鄉鄰樂道至七十二歲而終其弟國扶爲之建坊以旌其節義

按此女終身不嫁既違古訓又乖人道今所謂獨身主義者是也而其弟爲之建坊旌其節義不知所謂節義者果爲誰而節爲誰而義乎姑志之以待世之間風者

劉滋桂母王氏

邑南小汎河人氏年二十四夫歿有子女各一子方九月女三歲氏

矢志撫孤持家守節教育子女晚年家頗小康請准褒揚旌其門曰節義全鄉望若泰斗

陳奉璋母錢氏

邑南小汎河人自二十而寡守節至六十而終孝事翁姑和睦妯娌好善樂施憐貧卹乏請准旌表奉璋曾任奉天警務處長

劉紹漢妻高氏

邑西關人氏係高紹陽之次女光緒二年氏年二十一于歸次年夫歿民國十六年八月以氏守節逾四十餘年請准褒揚蒙賜抱淑完貞匾顧

王恩士吳母劉母傅氏

鐵嶺縣志

卷十 人物 忠節

一二十四

鐵嶺縣立第一工科印

邑西古城子村西建有石坊係其壻前興城縣知事王恩士爲之請准褒揚額曰竹孝松貞並有題聯錄左

清節皎如千古月

懿規留作四方風

甲辰狀元劉春霖題

節厲柏舟共羨金萱長麗日

褒榮華袞待看彤管更揚輝

陸軍上將蔭昌題

鏡映孤鸞歌成黃鵠

門題行義臺築懷清

教育總長蔡元培題

古井盟心

鐵嶺縣知事廖彭題

冰心勁節

鐵嶺縣知事冉楷題

歲寒松柏

王恩士自題

邑南范家屯村北路之右側建有石碑係本村人東明縣訓導田上
上自出資財立石撰文記錄各節烈婦女事跡茲照原文錄之

呂邦獻妻汪氏

本村人適文童呂邦獻未幾邦獻卒氏守志終身至七十餘歲而終
楊導妻劉氏

本村人文童生楊導之妻劉氏亦青年守節柏舟自誓年古稀而終

鐵嶺縣志

卷十 人物 忠節

一二十五

鐵嶺縣立第一工科印

古井清風堪足矜式

郎氏鐵邑遼河西蔡牛泉堡子係鄉民郎秀之胞姊因母老弟幼立志
不嫁孝友兼盡勤儉持家謹守閨門七十一歲而終令姪女亦復如
是堪稱一門雙節焉

李氏鐵邑北平頂堡人係原任掌路記廂黃旗防禦武舉張振聲之妾
乃本城李回民之女幼爲父母所誤墜入煙花稍長自願從良乃至
張家夫亡後色尙未衰竟能守節三十五年而終誠人所難逆料者
以上諸人皆堪旌表因力微未請誼切桑梓見聞較確不忍沒其芳
行故特勒諸貞珉

鐵邑西南苗家莊子郭氏女許與遼河西高力屯金季發爲妻幼失怙

恃十九歲將及嫁夫亡聞之痛不欲生經親族勸慰始適亡夫墓前成服舉哀盡情盡禮守節至今三十餘年現今五十餘歲矣嗣子承嗣誓死靡他此所謂從一而終者

又邑東南顧官屯內務府正白旗人王德全之妻王氏二十七歲守節茹苦食貧歷久彌堅後撫嗣子成立壽八十二而終一生窮困其苦節良可風焉又有上之庶祖母于太君自十八年適分發廣西候補知縣拔貢教習上之先祖考芝圃公逾八年而先祖逝世于太君事嫡祖母頗恭待先父惟謹撫親戚成立享壽七十八歲可謂勤苦一生矣

光緒十七年十月朔附生

王培元
齊海藩

併書

五品銜前任東明縣訓導田上上敬立

孝義

孝爲百行首義乃事之宜孝也義也基於天賦之良知歟基於禮教之感化歟謂爲基於良知何以世不多覩謂爲基於禮教何又不盡出於士大夫之家奇行勁節用式彝倫縉紳先生行之而不足村夫鰲婦任之而有餘世俗澆漓覽此足以興起矣

孝子

金

翟 異

貴德州人明昌元年詔賜絹十疋以旌孝行

按金之貴德州即邑南之大汎河村見地理卷建置沿革

鐵嶺縣志

卷十 人物 孝義

一

鐵嶺縣立第一工科印

明

邵 義

鐵嶺衛人未婚父母皆歿竭力殯葬廬墓三年鄉人憫其孝勸之婚親迎畢不入內室復廬墓三年入本邑孝子祠

清

許 煥

本邑東南花豹冲人許永和之第六子幼而讀書自父母亡後即廬墓終身不入內不茹葷朝夕祭奠不輟前東明縣訓導田上上爲之立竭勒石以記其事

李榮祖

明遼遠伯李成梁曾孫也清初任佐領遷工部營繕司郎中天性孝友父思忠督戰傷額臥牀褥者累月榮祖日夜侍湯藥始終無懈及思忠痊愈人咸謂孝誠所感卒年三十二

李庭貢

字叔慕號民村順治六年父懋祖殉難永州土人膏葬桂林府城外庭貢滴血尋骸改葬武昌居母喪廬墓三年不茹葷酒年七十卒

按庭貢亦成梁之裔

李庭貴

庭貢之弟也與兄居母喪同廬墓三年

趙庭臣

鐵嶺縣志

卷十 人物 孝義

一一

鐵嶺縣立第 工科印

邑人字君□性至孝父歿獨居三年不入內室

劉芳亭

字馥堂邑西宋家泡人季父早世無子芳亭承其嗣事母有孝行母性躁動輒詬責之芳亭怡然順受無敢怨苦學不懈年四十始補博士弟子員子婦滿前晨昏起居無少懈嘗爲親執溺器不以年長而

孝衰

陳 鼇

同治間人時馬賊蠡起劫鼇家殺其父而遠逃鼇飲恨葬畢誓必尋報每乘隙輒懷利刃出尋不令家人知一日得賊所在往偵遇諸途直前刺之賊以洋槍射鼇撲地以爲旣死乃去號於衆曰復仇者吾

已殺之莫予毒矣須臾鼇醒視所傷皮膚耳潛歸遂絕口不言復仇事賊亦不戒逾年偵賊醉臥某家夜率家人捕獲送於官賊乃伏法
秦錫藩

字紹先號介人邑南關人年甫冠而游泮越年母喪廬墓三年服闋回里事聞前奉天戶部侍郎傅良弼賜匾額一曰孝思不匱

義士

張簡

字枚齋邑東關人咸豐間貢生性孝友重實行時邑內斗紀需索格糧即羨餘農民苦之簡具呈請縣禁止而叨分餘利者大施伎倆以東錢三萬緡餌簡使無再聲請簡力斥不受斗紀變計賄上峯誣以

鐵嶺縣志

卷十 人物 孝義

三

鐵嶺縣立第一工科印

不守臥碑上諭干預公事斥革衣頂嗣有全城商戶首領張玉峯劉榮生等出爲質証地方迫於公論乃稟請復簡衣頂終剔積弊簡成
功不居非密友不能道其事設帳邑中後起多出其門

嚴叟

逸其名或云祿道光間人幼貧在河西大夏家樓劉姓家傭工每夜磨麥作麵不燃燈以節費劉翁見其誠樸乃故以白銀二錠置麥囤中叟得之疑爲竊盜所藏白主翁主翁曰此汝所應得者叟堅辭不受由是倚賴益深

王鍾嶽

邑東關人每念柴河無橋往來不便每秋自任歲修之費歷十餘年

不間嶽死子基隆復繼之後家資零落邑紳楊生春繼之近年歸商會接辦

胡康濟

字闔均邑南前帽峯山人訓蒙爲業光緒二十六年八月俄兵入境肆行姦淫適入其村有孀婦年四十餘在家未逃俄兵入其家逼姦康濟袒庇婦未受污而康濟竟被俄兵用槍枝刺死眞可謂見義勇爲者矣

鐵嶺縣志

卷十 人物 孝義

四

鐵嶺縣立第一工科印